

Markussi Ɖia Dzadkhanni Gamoe Nastshul.

Markussi speche skor.

I speche naŋŋa i specha Ɖikhanboe skorla caŋ Griiste medte innog, innaŋ sŋunme chostshogssi uskyoŋgunni Griiskhangun gyudte i specha Ɖikhan Yohanan Markus inkhanbo gyus chanog. Khoe skorla mashike skutshabsgunni chaglassi speche 12:12 taŋ 25 yaŋ 15:37 naŋŋa Ɖia dzadte yodte innog. Markus Piŋarri Ɖopa ma nyemozhig inpin, yaŋ khoa Piŋarri tetussi Mashikapagunla labzha maŋpo salkhangun gyudte Tsooe molkhan taŋ chaglas tshaŋme skorla tshor. Tshorte stiŋne, khoe te tshaŋma tshir naŋzhin Ɖia dzads, kabo ŋadaŋgunla dagsa Markussi Ɖia dzadkhanni gamoe nastshulli naŋŋa thobbanog.

Chossi khaspa maŋchea i spechabo Yeshu Ɖonste sonte a zhaŋste stiŋne lo 17 taŋ 27 ni nyekhorla Ɖia dzadkhanboa khachamste innog. Rommi gyalpo neroe tadpacangunla nags stances gozuggi saŋ sŋunla Markussi i chagƉispo khoŋ Rommi gyalse naŋŋa yod zane, teru dugkhan Yahudapa mankhan tadpacangunni phia Ɖia dzads.

I chagƉis Ɖicessi gyuntshangun ni:-

1. Tadpa cokhan taŋ macokhan nyiskoe snyiŋŋi naŋŋa Yeshu Konchoggi Ɖas inkhanbo tantan cocugcespo innog.
2. Mashikapagunla rdugŋal cuŋcessi phia Ɖaldig coces kazug Yeshui khoŋ Ɖulla dzadkhanni lammika Ɖulkhangunla rdugŋal thoŋin molte lan maŋpo labba dzads.
3. Yeshu Mashika Konchoggi Ɖas in innaŋ, i jigstennika zhabstog lencesla maŋpa, zhabstog zhuala skyods.
4. Yeshui zhabstoggi chaglaspo ni, migun sdigpe kane skyobcespo inpin.
5. Yeshui chaglasgunni khoŋ citshaŋme, (Yaŋna i jigsten, semsnyiddi jigsten, namla, zumogun taŋ shicessi) Tsoo taŋ sponbo inkhanbo stannanog..

Yohanan thussalkhanni migun Ɖaldig coa dzads.

1:1 ne 8

1 ¹Ibo ni Konchoggi Ɖas Yeshu mashike skorla gamoe nastshulbo innog. Iboe gozug ni, ²Iuŋstonpa yeshaye speche naŋŋa Ɖia dzadkhan naŋzhin Konchoggi mols,

"Ltos, khyoraŋŋi saŋ sŋunla ŋe ŋaraŋŋi lonkhyerkhanbo kalin.

Khoe khyoraŋŋi phia lam Ɖaldig coin^a.

³Khoe ristoŋŋi naŋŋa kuco taŋin migunla zerin,

"Tsoo phebshesla Ɖaldig cos,

Yaŋ khoŋŋi phebslambo Ɖaŋpo cos^b."

^a1:2 malaki speche 3:1

^b1:3 yeshaye speche 40:3

⁴ Thussalkhan Yohanan skyodte ristonji nanja migunla shagspa thobcessi pia sdigpa cokhangunnika gyodpa coste thussencesla chosshads. ⁵ Yerushalemmi gyalse migun theste yahude yulmi ganpo birste Yohananla Itaces tar nyannala sorj. Khongunni ranranji sdigpe lasgun migunni dunla shads pasarj Yohananni khongunla Yordan Itsanspoe nanja thussalla dzads. ⁶ Yohananni rjaborjji Baalla thagskhanni Kos tarj, skedpa koe skyerags cinjadpin, yarj parpartse tarj ristonji ranjsi zadpin.

⁷ Yohananni khyabdags cos, "De stinje skyodcescanbo, ne sarj manja wanjan, yarj zhabshi tsogsla nja ghuste khorjji zhabpul Idamskhanbo tolcessi ospa med. ⁸ De khyozhagunla chu nyampo thus tarjad, innarj khorjji, khyozhagunla dampe thugnyid nyampo thussalin."

Yeshua thussals.

1:9 ne 11

⁹ Zhagshig Yeshu Galillii yuljonssi Natsared donkhyerne skyods, yarj Yohananni khonja Yordanni Itsanspoe nanja thussalla dzads. ¹⁰ Yeshu chui nanje birjagig, khonja namkhaa bete dampe thugnyid khonjika phurgonzhiggi tshulla babsin zigs. ¹¹ Yarj namkhane sunskadshiggi mols, "Khyoran ne butsha cespabo in, khyoran nyampo nja masante thadpo in.

Shetanni Yeshu sdigpe nanja gyelcugcessi stsonjus.

1:12 ne 15

¹² Tennamalla Konchoggi thugnyiddi Tsoo Yeshu ristonji nanja khyerra dzads. ¹³ Karu shetanni, zhag 40 Yeshu sdigpe nanja gyelcugcessi stsonjus cos. Tetus khonj rii semscangunni toa yod zane, Konchoggi phonyagunni khonja zhabstog zhua dzads.

¹⁴ Yohanan zumste tsonkhanji nanja kagste stinje Yeshu Galillii yuljonssi nanja skyodda dzadte Konchoggi gamoe nastshulbo shadda dzads. ¹⁵ Yeshui mols, "Zhalchad dzadkhanni tuspo lebeste innog. Konchoggi gyaljid nyemo innog. Teboephia gyodpa coste ranranji sdigpagun pharjste gamoe nastshulli nanja tadpa cos."

Gome lobtugsgun.

1:16 ne 20

¹⁶ Tsoo Yeshu Galillii tshoe thamane zhabdul dzadin yodtus, khonjji Shimon tarj khoe no endiu tshoe nanja nyadol pharjin zigs, ciazerna khongun nya zumkhan inpin. ¹⁷ Yeshui khongunla mols, "De gyabne yonste ne lobtugs gyur, taneparla ne khyozhagunla nye tshabsla migun zumces labin." ¹⁸ Tennamalla nyadol sparjste khongun Yeshui gyabne danjs.

¹⁹ Tekane tsapig thagrinja skyoddacig, Yeshui zebedii butsha Yakob tarj Yohanan zigs. Khongunni tuzirjji nanja khorangunni nyadol daldig coadpin.

²⁰ Tennamalla Yeshui khongunla bodda dzads, yarj khongun khorangunni aba zebbeddi lapagun nyampo tuzinjji narjja borte Yeshui gyabne danj.

Yeshui gonpogun phinjja dzads.

1:21 ne 28

²¹ Tsoo Yeshu tarj khonji topagun Kapharnahum donkhyerla skyods. Shabbaddi njaltshoe zhagpo lebbacig, khonj Yahudape dukhanji narjja skyodte chosshadces gozugs. ²² Migun khonji labzhagunnika halas, ciazerna khonji labzhagun chosthimsla khaspagun tsogs medpa, warjcha nyampo salladpin.

²³ Dukhanji narjja gonpo zhugskhanni mizhiggi hunmedla kuco sanje tarjin zers, ²⁴ "Natsaredpa Yeshu, nyerarjja njazhagunni kane ci gossad? Nyerarj njazhagun medkhan coala skyodte inna? Nyerarj su zhugste inkhanbo njaa gyusyod. Nyerarj Konchoggi dampabo zhugste innog."

²⁵ Innarj Yeshui khoa khaskyea dzadte mols, "Cubcod, khoe narjne binje yonj."

²⁶ Tennamalla, gonpoboe te mibo masanje sugj, yarj kuco tarjin khoe narjne binje sorj.

²⁷ Mitsharjma sanje halaste cig tarj cigga jis, "lbo kazugshig innog? Soma labzha warjcha yodkhanzhig. Khoe ka tarjkanboea gonpogunniarj khaa nyandug."

²⁸ Khonji skorla nastshulbo Galillii yuljonj garjpo narjja gyogspa phel.

Yeshui mi marjpozhi phancugga dzads.

1:29 ne 34

²⁹ Tsoo Yeshu Jakob tarj Yohanan gun nyampo dukhanje binje khonji lobtugs Shimon tarj khoe no endiui khanpa skyods. ³⁰ Khongunni Yeshua Shimonni name ama tshad yonje maltse narjja yodkhanboe skorla shads, ³¹ Yeshu ama yodsa skyodte khoe lagpa zumste khoa lanjesla rogs dzads. Tene khoe tshadpo medkhan sorj, yarj khoe khongunla zhabstog zhus.

³² Tenna phitog nyima skyod tsharte stinje, migunni zumo yodkhan tarj rdud zhugskhan tsharjma Yeshu yodsa khyonj. ³³ Donkhyerri mi garjpo ghoe dunla dzoms. ³⁴ Zumo snatshogs yonjkan marjpo Yeshui phancugga dzads, yarj rdud zhugskhan marjpo narjne rdud phinjja dzads, innarj khonji, rdudgunla spera tarj cugga madzads, ciazerna tegunni khonj su zhugste inkhanbo shessadpin.

Yeshui Galillii yuljonssi narjja chosshadda dzads.

1:35 ne 39

³⁵ Stinjmazhaggi njatog namlanjssi sarj snunla, Tsoo Yeshu zhanjssa dzadte suanj medse nassazhigga moslam zhuala skyods. ³⁶ Shimon tarj khoe topagun khonj tsalla sorj. ³⁷ Khonj thobbacig khongunni zers, "Tsharjme nyerarj tsaldug."

³⁸ Innarj Yeshui lansals, "Dadangun nyekhorri zhanyarj donkhyergunla chen yarj ne khongunlarj chosshadin. Tenna gyuntshanboe phia njaa yonje in." ³⁹ Teboephia khonj Galillii yuljonj garjpo dukhangunni narjja labzha salin, rdud zhugskhangunni narjne rdudgun phinj skyods.

Yeshui dzenadcanni mizhig phancugga dzads.**1:40 ne 45**

⁴⁰ Dzenadcanni mizhig Tsoo Yeshui dunla yoŋs yaŋ pigdoŋ tsugste juju zhuin zers, "Nyeraŋ thugsthadna ŋa gyalcugste stsaŋma dzad nyannanog."

⁴¹ Snyirŋe gaŋste yodcespoe, Yeshui chag ŋkyaŋste khoa thugcugga dzadte mols, "Da khyoraŋ gyal cugte stsaŋma coa thaddaraŋ." ⁴² Tennamalla dzenad pagspe nadpo medkhan soŋ yaŋ mibo phan. ⁴³ Yeshui kho logste lamcugga dzad zane, spaŋ pudin molla dzads, ⁴⁴ "Suaŋ mashad, innaŋ soŋte raŋŋi zugspo lama ston yaŋ luŋstonpa Mozessi ka salkhan naŋzhin Konchogga chodpa phul, tebo migunla khyoraŋ stsaŋma chakhanni spaŋpo in."

⁴⁵ Innaŋ kho soŋte khoa cuŋkhangun mitshaŋmala shadin nastshulbo khyebsshugs, teboe zhaste khoŋ migunla thoŋcugste kazug doŋkhyerzhiggi naŋŋaŋ skyod manyan. Khoŋ mi medse nasse naŋŋa zhugs, teneaŋ migun karuŋsane khoŋ yodsa yoŋs.

Đul manyankhanni mizhig phancugga dzads.**2:1 ne 12**

2 ¹ Zhag khaciggi stiŋne Yeshu Kapharnahummi doŋkhyerla logste skyoddacig, khoŋ khaŋpa logste skyodkhanni nastshulbo gyogspa phel ² yaŋ izam mi maŋpo dzom, khoŋŋi khaŋpa matshad ghoe philoggaŋ nassa stoŋpa malus. Khoŋŋi migunla Konchoggi ka shadda dzads zane ³ migunni zaphogkhanzhig khoŋ yodsa khyoŋs, kho miŋgo zhi maltseka khurte yodpin. ⁴ Mitshogssi zhaste, khoŋgunla kho Yeshu yodsa khyoŋ manyan. Khoŋgun khaŋpe khethogga soŋte Yeshu zhugste yodse khađaraŋa holtor pudte maltsaa nyampo kho Yeshui dunla phabs. ⁵ Khoŋgunni mibo gyalcugcessi tadpa cokhanbo Yeshui zigste khoŋŋi zaphogkhanboa mols, "Butsha, ŋe khyoraŋŋi sdigpagunla shagspa taŋŋad."

⁶ Teka dugste yodkhanni chosthimsa khaspa khaciggi semssi naŋŋa sams, ⁷ "Khoe tezug cia zerranog? Khoe dadlog coste innog. Konchog mastog sua sdigpa shagspa sal nyanin."

⁸ Tennamalla khoŋgunni semssi naŋŋa samkhanbo Yeshui khyente khoŋgunla mols, "Khyozhe khyozharaŋŋi semssi naŋŋa izug cia sammad?" ⁹ Zaphogkhanboa, 'Khyoraŋŋi sdigpaa shagspa taŋste in' zercespo lamo innogga ya 'Laŋste khyoraŋŋi maltsa khurte đul' zercespo? ¹⁰ Innaŋ mirigssibua jigstennika sdigpaa shagspa taŋcessi waŋchaa yodkhanbo khyozhaa stanin" tene Yeshui zaphogkhanboa mols, ¹¹ "Đe khyoraŋŋa zerrad, loŋs, raŋŋi maltsa khurte khaŋpa soŋ."

¹² Tennamalla mi stakhan tshaŋme dunla kho laŋste khoraraŋŋi maltsabo khurs yaŋ đulte soŋ. Khoŋ tshaŋma halaste Konchogga stodpa phulin zers, "Đazhagunla, i tsogsshig mane mathoŋ."

Yeshui Madtha bodda dzads.**2:13 ne 17**

¹³ Tene yaŋskyar Tsoo Yeshu Galillii tshoe thama skyods, yaŋ khoŋ yodsa yoŋkhanni mitshogsgunla chosshadda dzads. ¹⁴ Khoŋ zhabḍulla skyod zane khoŋŋi Alphaiussi butsha Livi, ḥalense nasseka dugste yodda zigs yaŋ khoŋŋi khoa mols, "De stiŋraŋne ḍaŋs." Kho laŋste Yeshui stiŋraŋne ḍaŋs.

¹⁵ Stiŋne Yeshu Livii khaŋpa goŋzan donnala skyods, ḥallenkhan taŋ zhan sdigcan mi maŋpoaŋ Yeshu taŋ lobṭugsgun nyampo kharji zala yodpin (Yeshui stiŋraŋne ḍaŋskhan maŋchea tetsogssi migun inpin). ¹⁶ Pharushipa chosthimsa khaspagunni, Yeshu ḥalnenkhan taŋ sdigcan gun nyampo dontaŋ donin thoŋŋacig, khoŋŋi lobṭugsgunla ṭis, "Khoŋ ḥallenkhan taŋ sdigcan migun nyampo cia dontaŋ donnanog?"

¹⁷ Yeshui tebo sannacig khoŋgunla mols, "Zumo yoŋkhanzhigga mane khamzaŋ mizhigga amchi gossa manog. Daa khyozha taŋpo in samkhangunla manpa, sdigcangunla bodda yoŋspin."

Yeshui naŋŋa mitshe phudtshul somabo, snyiŋpabo saŋ soso innog.**2:18 ne 22**

¹⁸ Yohananni lobṭugsgun taŋ pharushipagun nyenasla^c dugste yoddi tusshigga, mi khacig, Yeshu yodsa yoŋste ṭis, "Yohananni lobṭugsgun taŋ pharushipagun nyenasla dugdug, innaŋ nyeraŋŋi lobṭugsgun cia nyenasla dugga manog?"

¹⁹ Yeshui lansals, "Bagstonni naŋŋa magpa nyampo yod zane khoe ḍonpogun nyenasla duginna? Midug. ²⁰ Innaŋ tuspo lebin nam magpa ḍonpogunne pheste khyerin, tene khoŋgunni rdugpo coste nyenasla dugin."

²¹ "Suzhiggiyaŋ Koslag snyiŋpazhigga lanba soma tabba manog, kaltes tabna Kos ṭhuacig lanba somabo khoŋste Kos chadkhanbo maŋŋa thua coanog."

²² "Tenna tsogsla chaŋ soma pagspe skyapa snyiŋpe naŋŋa milug. Kaltes lugna chaŋboa skyur laŋste pagspe skyapa boste chadin, chaŋ bote skyapaŋ dodmed chen. Chaŋ soma pagspe skyapa some naŋŋa lugin.

Yeshu shabbaddi zhaggi Tsoo.**2:23 ne 28**

²³ Tsoo Yeshu shabbaddi ḡaltshoe zhagga zhiŋ gyudte skyodin yod zane, khoŋŋi lobṭugsgun khoŋ nyampo ḍulladpin. Khoŋgunni zhiŋŋi snyema cadces gozug.

²⁴ Pharushipagunni Yeshua zers, "Ltossaŋ khoŋgunni shabbaddi ḡaltshoe zhagga las coste cia chosthims cagganog?"

²⁵ Yeshui lansals, "Dabid taŋ khoe ṭopagun stogste yaŋ ghosdommi naŋŋa yod zane ci cos dampe suŋrabssi naŋŋe khyozhe mane masilpinna? ²⁶ Abiaṭhar Yahudape lama chenmo inni tus, Dabid Konchoggi kurri naŋŋa chodpa phulseka

^c2:18 yaŋŋa roza

sonje dampe tagi zos, tebo Yahudape lamaa mane zachogga medpin, yarj khoe, topagunlarj tanjs."

²⁷ Tene Yeshui khongunla mols, "Mi njaltshoe zhagpoe phanthogssi phia manpa, njaltshoe zhagpo mii phanthogssi phia coa dzads. ²⁸ Tennaboephia mirigssibua shabbaddi njaltshoe zhagga ci co chogs ya michogs zercessi warjcha yod."

Yeshui shabbaddi zhagga mizhig phancugga dzads.

3:1 ne 6

3 ¹ Tsoo Yeshu dukharjja yarjkyar skyods, teru lagpa khonste kol manyankhanni mizhig yodpin. ² Yeshui kho gyalcugna shabbaddi njaltshoe zhagga las cocespoa skyon kalcesla pharushipagunni khonja gyalla coste stendugs.

³ Lagpa khonjkhanni miboa Yeshui mols, "Yorj yarj tsharjme dunla lojs." ⁴ Tene khonji khongunla fia dzads, "Chosthims narjzhin shabbaddi zhagga las zarjpo co chogganogga ya rjanpa, sog skyob chogganogga ya sad?" Innarj khongunni khonja lan matarjs.

⁵ Yeshui thugssoe narjja khonj rerea zigs, yarj khongunni snyinj skyorjpo zigste khonja masante thugstsher skyods. Khonji lagpa khonjshkhanboa mols, "Lagpa skyorj" yarj khoe lagpa skyarjspa tebo sij gyal. ⁶ Tene pharushipagun philogga sonje, gyalpo heroddi chogspagun nyampo Yeshu sadcessi thabs rjanpa ldijs.

Mitshogs Yeshui stinranje sonj.

3:7 ne 12

⁷ Tsoo Yeshu lobtugsgun nyampo tshoe chogsla skyods, yarj Galilline mitshogs chenmozhigh khonji stinranje yorjs. ⁸ Yeshui dzadkhan tsharjme skorla tshorpa, te mitshogspo Yahuda yuljorjs, Yerushalemmi gyalsa, idumea, Yordan Itsarjspoe shar chogssi sachagun, yarj carj chogssi thagrinjri nassa tayir tarj Sidon gyalsa gunne yorjste inpin.

⁹ Mitshogssi khonj nan minancessi phia Yeshui khonji lobtugsgunla tuzinjzhig daldig cocesla mols. ¹⁰ Khonji mi marjpo phancugga dzadcespoe, zumo yonkhan tsharjme khonja lagpa thugcesla nante khyorjadpin. ¹¹ Yarj gorjogunni khonj jallacig, khongun zhugste yodkhanni migun Yeshui skundunla saa gyabste kuco tarjin zers, "Nyerarj Konchoggi sas zhugste innog." ¹² Innarj Yeshui gorjogunla khonj su zhugste inkhanbo mishadcesla ka salla dzads.

Yeshui skutshabs rcugnyisgun Idamma dzads.

3:13 ne 19

¹³ Teboe stinje Tsoo Yeshu rizhiggika skyodte khonji Idamma dzadkhangunla bodda dzads, yarj khongun khonj yodsa yorjs. ¹⁴ Khonji bodda dzadkhan rcugnyispo khonjarjri skutshabsla skoa dzads. Khongunni khonja topa coces yarj khonji khongun chosshadcesla lamcugga dzadin, ¹⁵ yarj khongunla rdudgun phiñcessi warjcha salla dzads. ¹⁶ Khonji skoa dzadkhanni skutshabs rcugnyispo ni, Shimon (Yeshui khoe minja Pitar tagga dzads), ¹⁷ zebeddi butsha Yakob tarj

khoe no Yohanen (Khoj nyisko şonjan yodpa, Yeshui khoŋunla "Boyanerge" yaŋna "Đugldirri butshagun" miŋ tagga dzads). ¹⁸ Enđiu, Philib, Bartholma, Madtha, Thomas, Alphaiussi butsha Yakob, Thaddaus, Shimon (Yuldadcan), ¹⁹ taŋ Yuda karyodpa kaboe Tsoo Yeshua stiŋne ŋolog cos.

Yeshui đaoğunni khoŋŋa rdudgunni gyalpo zers.

3:20 ne 30

²⁰ Tene Tsoo Yeshu khaŋpazhiggi naŋŋa skyods. Mitshogs dzomces gozugspa, khoj taŋ khoŋŋi lobtuğsgunla zannaŋ zaccessi tus mathob. ²¹ Te tshaŋma Yeshui naŋmigunla tshorracig, khoŋgun Yeshu khaŋpa thidte khyercesla yoŋs, ciazerna migunni, "Khoj snyoste innog" zerradpin.

²² Innaŋ Yerushalem gyalpane yoŋskhanni chosthimsla khaspagunni zers, "Khoe naŋŋa Belzebul zhugste innog. Te rdudgunni gobe khoa rdudgun phiŋcessi khyud taŋste innog."

²³ Yeshui khoŋgunla bodda dzadte spe salin lansalla dzads, "Kazuggi shetanni shetan khoran phiŋ nyannanog? ²⁴ Kaltes gyalşiddi naŋŋa yodkhangun thunte madugna tebo thaŋspo milus. ²⁵ Kaltes naŋtshaŋshiggi migun nolin dugna khoŋgunni naŋŋa thundel milus. ²⁶ Kaltes shetanni khoranŋi gyabgalla nolte popudna khoe kazuggi waŋşulin? Kho medkhan chacessi tuspo lebste in. ²⁷ Da yaŋ spezhig taŋcug, suaŋ mi shedcanzhiggi khaŋpe naŋŋa zhugste khoe nor şku minyan namtshogpa khoe şŋunla mi shedcanbo Idam mildam, tene khoe khaŋpe naŋŋa yodkhanni norgun şkunyanin."

²⁸ "De khyozhaa denba zerrad, migunni sdigpa cokhan taŋ Konchogga dadlog zhukhan tshaŋma shağspa salla dzadin, ²⁹ innaŋ dampe thugnyidla dadlog zhukhangunla shağspa mane salla midzad; thamedpe sdigpa cocessi noŋscan kho innog." ³⁰ Khoŋŋi khoŋgunla tebo molla dzads ciazerna, khoŋgunni "Yeshui naŋŋa rdud zhugste innog" zerradpin.

Yeshui naŋtshaŋs ŋosmagun.

3:31 ne 35

³¹ Tene Tsoo Yeshui ama taŋ nogun yoŋs, yaŋ philogga dugste mizhig khoŋŋa boddala kals. ³² Yeshua skorte yodkhanni mitshogssi zers, "Nyeranŋi ama taŋ nogun nyeraŋ tsalin philogga dug."

³³ Yeshui lansals, "Su innog ŋe ama taŋ nogun?" ³⁴ Tene khoŋŋi khoŋŋa skorte yodkhangunla zigste mols, "De ama taŋ nogun igun in. ³⁵ Namkhe naŋŋa zhugskhan Konchoggi thuggoŋs naŋzhin cokhangun ŋe ama taŋ miŋşin gun in."

Zhiŋbadpe saon tabkhanni ruŋs.

4:1 ne 20

4 ¹ yaŋskyar Tsoo Yeshui Galillii tshoe thamaa labzha salces gozug dzads. Khoj yodsa mitshogs maŋstear maŋpo dzompa khoj tuziŋŋi naŋŋa zhonte zhugs, yaŋ mi tshaŋma tshoe thama dug. ² Khoŋŋi migunla ruŋs gyudte labzha

maṅpo salla dzadte mols, ³"Nyonshig, zhiṅbadpazhig saon tabbala soṅ. ⁴Zhiṅṅa saon tab zane khacig lammika bud, cipa yoṅste tegun zos. ⁵Khacig sa maṅpo medse ḍaggika bud, sa maṅpo medcespoe saonbo gyogspa skyes. ⁶Innaṅ nyime tshaddi zhaste, zhiṅ skyekhanbo tshig, yaṅ paṅag tiṅcan med pasaraṅ, tebo skamste shi. ⁷Saon khacig tshermanṅi ṅoa bud, yaṅ tshermanṅ skyeste nanpa, zhiṅbo ldan mathub, teboe zhaste ṅo masmins. ⁸Zhan saongun sa gyalla yodse zhiṅṅika budpa, tegun skyeste ldante stonthogs smin, kabo saon tabkhan ni 30, 60, matshad 100 gyurraṅ smin." ⁹Tene khonṅi mols, "Namcog yodkhangunni ṅe zerkhanla nyonshig."

¹⁰Stiṅne Yeshu cigpo yod zane, khonṅa skorte yodkhanni khonṅi lobṅugs rcugnyis taṅ zhangunni khonṅi shadda dzadkhanni ruṅssi tontagpo ṅis.

¹¹Khonṅi lansalla dzads, "Konchoggi gyaṅṅiddi saṅwagun hagogessi skabs khyozhagunla salla dzadte innog. Innaṅ Konchoggi gyaṅṅiddi philogga yodkhangunla ṅe, ciṅshaṅma ruṅs gyudte shaddad. ¹²Dampe suṅrabssi naṅṅa Griiskhanbo ḍanḍa ḍubcesla ṅe tebo coad. Tebo ni,

'Khongunni ṅe cokhangun thonṅaṅ ṅa su inkhanbo ṅoshessa midug.

Khongunni ṅe shadkhangun tshornaṅ hagothubba midug,

Te mane khongunni sems ṅe chogsla gyurte

Khonṅi sdigpagunla shagspa thobte yodḍo.^d"

¹³Tene Yeshui khongunla mols, "Kaltse khyozhagunla i ruṅspoe tontagpo hamagona, tene zhanyaṅ ruṅs tshaṅme togtaggun kazuggi hagoiṅ? ¹⁴Zhiṅbadpe saon tabcespo ni, Konchoggi ka shadcespo innog. ¹⁵Lammika saon budkhangun ni Konchoggi ka tshorkhangun innog, innaṅ shetan yoṅste khongunni snyiṅṅi naṅṅa tabkhanbo kogste khyerranog. ¹⁶Ḍaggika saon budkhanbo ni Konchoggi gyaṅṅiddi ka tshorracig thadpo nyampo tadpa cokhangun innog. ¹⁷Innaṅ teboa paṅag tiṅcan med pasaraṅ tussyunriṅ milus. Khongunni ke naṅṅa tadpa cocespoe nags taṅ bardo thonṅacig tadpa phaṅjin. ¹⁸Tshermanṅssi ṅoa saon budkhanbo ni Konchoggi ka tshorkhangun innog, ¹⁹innaṅ mitshee tsherkha yaṅ nor taṅ jigstenni zhan dodpa gunni nancespoe teboa ḍasbu sminna manog. ²⁰Sa zaṅpoeka saon budkhanbo ni Konchoggi ka nyante tadpa cokhangun innog, khongunla ḍasbu, saon tabkhanboe saṅ 30, 60, yaṅ 100 gyur sminnanog."

Oddi ruṅs.

4:21 ne 25

²¹Tene Tsoo Yeshui khongunla ṅia dzads, "Ci khyozhe od tugste gormo ya nyalthi yogga borinna? Odpo odstaggika miborra? ²²Vaste borkhan tshaṅma zhagshig sṅoncugga dzadin, yaṅ kabste borkhan tshaṅma philogga phiṅṅa dzadin. ²³Kaltse namcog yodna ṅe zerkhanla nyonshig."

²⁴Khonṅi mols, "Khyozhe tshorkhangunla naṅstag gyalla tonshig. Khyozhe kolkhanni tabzabo khyozhagunni phiaṅ kolla dzadin, yaṅ tesaraṅ maṅṅa salin. ²⁵De

^d4:12 yeshaye speche 6:9,10

labzha nyankhangunla maŋŋa hagocugga dzadin, innarj manyankhangunni narŋe hagote yodkhanboarj khyerra dzadin."

Saon Idanin yodkhanni ruŋs.

4:26 ne 29

²⁶ Tsoo Yeshui iboarj mols, "Konchoggi gyałsid ni, saon zhiŋŋa yogkhanni zhiŋbadpazhig tsogs innog. ²⁷ Kho nyid tarŋste ya larŋste yoddo, nyintshan medpa saonbo skyeste Idannanog, innarj tebo kazuggi Idannad, khoa carj gyus medkyag. ²⁸ Sa khorarŋi saon skyecugste zhiŋ Idante snyeme go birŋte du garŋcugganog. ²⁹ Fo tshossacig, zhiŋbadpabo yorŋste zora nyampo tebo rŋanog ciazerna, rŋabse tuspo lebste innog."

Nyuŋskarri saonni ruŋs.

4:30 ne 34

³⁰ Tsoo Yeshui mols, "Konchoggi gyałsidpo ŋe khyozhaa kazuggi hagocug? Tebo hagocugcessi phia ŋe karuŋspo kol? ³¹ Tebo ni, nyuŋskarri saon tshaŋmesarj churŋun se narŋa tabkhanbo tsogs innog. ³² Innarj, tabbacig Idante tshassi narŋa tshaŋmesarj chenmo lcarŋma gyurin, yarj yalgagun izam chenmo chen namkhe cagunni teboe silli narŋa tshaŋs coin."

³³ Yeshui tenna tsogssi ruŋs maŋpo kolte migunni hagocessi khyud tshagpa Konchoggi ka shadda dzads. ³⁴ Khorŋi ruŋs gyudte mastogs ci labzhazhiggarj salla medpin, innarj khorj khorŋarŋi lobtuŋsgun nyampo cigpo yod zane, khorŋi ruŋs tshaŋme tonbo hagocugga dzaddadpin.

Yeshui luŋrag tarj chulbag medkhan dzads.

4:35 ne 41

³⁵ Phitog lebbacig, Tsoo Yeshui khorŋarŋi lobtuŋsgunla mols, "Dadarj tshoe pharka chen." ³⁶ Mitshogspo borte khorŋun Yeshu nyampo tuŋziŋŋi narŋa zhonte sorj. Zhan tuŋziŋgunnarj khorŋi gyabne yorŋ. ³⁷ Hunmedla namtshubste luŋrag tagpo yorŋ, yarj chulbag tuŋziŋŋi narŋa lebste tebo nubces sorj.

³⁸ Yeshu tuŋziŋŋi jugga nyassika u phabste nalzimste yodpin. Lobtuŋsgunni khorŋa nyidshadda dzadte zers, "Lobbonle, ŋazhaa chui narŋa nubces dug, skyobba dzadda medda?"

³⁹ Yeshu zharŋste luŋspoa khaskyeste chulbaggunla mols, "Cubcod, kuco matarj." Tene luŋrag medkhan sorŋte tshoe narŋa pad zhide curj. ⁴⁰ Khorŋi khorŋunla ŋia dzads, "Cia jigssad? Khyozhagunla ŋeka taruŋŋarj tadpa medpa inna?"

⁴¹ Lobtuŋsgun ŋante jigste cig tarj cigga ŋis, "Khorj su innog? Luŋspo tarj chulbag gunnarj khorŋi khaa nyandug."

Yeshui rdud zhugskhanni mizhig phancugga dzads.

5:1 ne 20

5¹ Khongun tshoe pharkaa, Gadare yuljonsla skyods. ² Tsoo Yeshu tuziŋne biŋŋa dzaddacig, rdud zhugskhan zhig khonj jallala Romkhanŋi nassane biŋste yonŋ.

³ Kho Romkhanŋunni naŋŋa duggadpin, suzhiggaŋ kho Idamste bor manyanna inpin, lcagthag nyampoan. ⁴ Lan maŋpozhiŋ khoe kanjlaggun lcagthag nyampo tagste bornaŋ khoe lcagthag cadte phaŋs, suzhiggaŋ kho Idamste borcessi shed medpin. ⁵ Nyintshan medpa kho ri taŋ Romkhanŋunni ŋoa khorin, kuco taŋin, rdoa nonpo nyampo raŋŋi zugspe shagun caddadpin.

⁶ Khoe thagriŋne Yeshu jallacig, baŋtaŋste khonŋi dunla khoranŋi pigdon tsugs. ⁷ Khoe naŋŋa zhugskhanni rdudpoe kuco shedcan taŋste zers, "Yeshu Konchog kunwaŋŋi ŋas nyeraŋ ŋe lassi naŋŋa cia ŋessad? Da nags mistancesla, Konchoggi tshanni naŋŋa naa khurra dzad." ⁸ Ciazerna Yeshui khoa, "Rdud, khyoraŋ i miboe naŋne biŋte yon" molla dzadte inpin.

⁹ Tene Yeshui khoa ŋia dzads, "Khyoraŋŋi miŋŋa ci in?"

Khoe lantaŋ, "De miŋŋa rdudtshogs in, ciazerna ŋazhaa maŋpozhiŋ i miboe naŋŋa naste yod." ¹⁰ Tene khoe Yeshua khongun i gyalkhagne thagriŋŋa miphinŋesla juu zhuin yaŋne yaŋ zhuwa phuls.

¹¹ Ri nyemozhiggika phaggi khyu chenmozhig stsa zen yodpin. ¹² Rdudgunni Yeshua juu zhuin zers, "Dazhaa a phaggunni naŋŋa kalla dzad, ŋazhaa tegunni naŋŋa chacugga dzad.

¹³ Yeshui gonŋspa salla dzadpa, rdudgun biŋte phaggunni naŋŋa zhugs. Te phaggi khyu halam 2,000 zhig, rine thurla baŋtaŋste tshoe naŋŋa bud yaŋ chui naŋŋa nubte shi.

¹⁴ Phagtshokhangun ŋonkhyer taŋ nyekhorri nassagunla baŋtaŋste soŋ yaŋ cuŋkhan tshaŋma shads, migun cuŋkhangun stala soŋ. ¹⁵ Khongun Yeshu yodsa lebbacig, rdud tshogs zhugskhanni mibo, Koslag gonte snyo masnyoa teka dugste thonpa khongun jigs. ¹⁶ Te tshaŋma thonkhangunni rdudgun zhugskhanni mi taŋ phaggunla cuŋkhanni skorbo migunla zhibsals coste shads. ¹⁷ Tene migunni Yeshua, khongunni yulne biŋte skyod juu zers.

¹⁸ Yeshu tuziŋŋi naŋŋa zhonna dzad zane sŋunla rdudgun zhugste yodkhanni miboe Yeshua, kho khonj nyampo yonj cugga dzadcesla juu zerin zhuwa phuls.

¹⁹ Innaŋ Yeshui kho yonj macugs yaŋ mols, "Khanpa khyoraŋŋi naŋmigun yodsa soŋte, Tsooe khyoraŋŋi phia dzadkhan tshaŋma taŋ khyoraŋŋika khonŋi tsamshiggi snyinŋe stanna dzadkhanbo shod. ²⁰ Tene kho tekane soŋte gyalsa rcu^e yodkhanni gyalkhaggi naŋŋa Yeshui khoa dzadkhan tshaŋma shads, yaŋ khoe shadkhangun tshorte migun halas.

^e5:20 rissi skaddi naŋŋa ŋekapolis zerranog.

Bumo chuñun shikhan tañ zumo yonkhanni nachuñzhig.

5:21 ne 43

²¹ Tsoo Yeshu yañskyar ÷uziñji nañja tshoe año chogssi pharka lebbacig, tshoe thama yod zane mitshogs chenmozhig dzomste khonñja khorte dugs. ²² Tene Yahudape dukhañji uskyoñ Yeras zerkanbo teru yoñs. Yeshu jallacig, kho khonñji zhabssi dunla gyelte ²³ snyiñne juju zhuin zers, "De bumoe chuñunbo shikyis dug. Juju skyodte nyerañji chag khoeka borra dzadna kho phante sonin."

²⁴ Yeshu kho nyampo skyodda dzads. Mitshogs chenmo, khonñji stiñrañne yonste khonñja nante khyoñs. ²⁵ Budkhanni lo rcugnyisne pharla tusgyun zugspo zhiccessi zumo yonkhanni bumozhig mitshogssi ÷oa yodpin. ²⁶ Amchigunni stastogssi nañja nags mañpo thoñte khorañji pene tshañma skyagstear, kho gyalla chacessi sañ mañja thua soñte yodpin.

²⁷ Khoa Yeshui skorla tshorpa, mitshogssi nañja khonñji gyabne yonste khonñji namzaa lagpa tugs. ²⁸ Ciazerna khoe khorañji semssi nañja sam, "Kaltse khonñji namzaa lagpa thugna ñe zumo gyallanog" ²⁹ Tennamalla ÷tagpo chadte stsogpo zumone phankhanbo khoa gyussonj.

³⁰ Tenna tusla, khonñji nañne phancugkhanni stobs biñste chakhanbo Yeshui khyen. Khonñji iño año gyurin mitshogsla zigste ÷is, "Sui ñe Koslagga lagpa tugs?"

³¹ Khonñji lobtugsgunni khonñja zers, "Mitshogssi nanin phulin khyoñcespo nyerañji zigssanog, tene nyerañji sui ñaa lagpa tugs molte cia ÷ia dzadda?"

³² Innaj lagpa tugsokhanboa zigshesla khonñji iño añoa zigsin zhugs. ³³ Tene bumoboe khorañja cuñkhangun gyusyodpa, jigsin tarin Yeshui dunla yonste khonñji zhabssika gyels yañ khonñja citshañma tañpo shads. ³⁴ Yeshui khoa mols, "Bumoe khyorañji tadpe khyorañ phancugste in. Zhidee nyampo soñ, khyorañji rdugñalbo medkhan soñte innog."

³⁵ Khonñji zhalta salin yod zane, dukhañji uskyoñ Yerasi khañpane mi khacig yonste khoa zers, "Nyerañji bumobo shi, ta lobbonlea obgyal stanna madzad."

³⁶ Innaj Yeshui khonñgunni zerkanboa nañja masalla Yerasla mols, "Jigs majigs. Tadpa rañ cos."

³⁷ Tene Yeshui Piñar, Yakob tañ, khoe no Yohanan mastogs zhansuzhiggañ khonñ nyampo yon cugga madzads. ³⁸ Khonñgun dukhañji uskyoñji khañpa lebbacig, kuco tañin, ñuin mi mañpozhighi hiliñs tañja Yeshui zigs. ³⁹ Khonñ nañkugga skyodte, "Ciphia ñuin hiliñs tañjad? Tugubo mashia nyidlogste in" molpa ⁴⁰ khonñgunni ÷helgod tañs.

Yeshui khonñ tshañma khañpane philogga biñste bumoe phama tañ, khonñrañji lobtugs sumko ÷hidte bumoe yodse nañja skyods ⁴¹ yañ bumoe lagpa thamssa dzadte khoa mols, "Taliithaa koam" kaboe tontagpo "Bumoe chuñun loñs" zerranog. ⁴² Tennamalla lo rcugnyis chakhanni bumobo koag lañste ÷uls. Tebo thoñte khonñgun mañante halas. ⁴³ Cuñkhanbo suañ mishadcesla Yeshui khonñgunla ka sals, yañ khonñgunla bumoboa citoñshig zaa tañcesla mols.

Yeshua stsiwa macos.**6:1 ne 6a**

6¹ Tsoo Yeshu tekane lobtugsgun nyampo khoranji donkhyer Natsaredla skyods. ² Shabbad naltshoe zhagga, khorji dukhanji nanja labzha salces gozug, yar khorja tshorkhan manpoe halaste tis, "I miboa i tshanma kane thobkyag? Khoa itsogs shesrabs sui tanjkyag? Kazuggi khoe itsogs halasshessi dzadpagun stannanog? ³ Kho shirjkanbo manogga? Kho Miryammi butsha yar Yakob, Yoseb, Yuda tar, Shimon gunni aco manogga? Khoe sirjmogun ika nadangun nyampo medda?" Khorgun tshigcespoe khorjika tadpa macos.

⁴ Yeshui khorgunla mols, "Lunstonpazhigga khoranji donkhyer, nyendu tar khoranji nanjshanssi nanja mane, zhan karunsa stsiwa corug. ⁵ Khorgunni tadpa micocesepoe zhaste, khorji khorgunni toa zumo yonkhan khaciggika khoranji chag borte phancugga dzadces mastogs, zhanyar car halassi dzadpa stanna madzads. ⁶^{6a} Yar khorgunni tadpa medcespo zigste khorj halas.

Yeshui rcugnyispo lamcugga dzads.**6:6b ne 13**

^{6b} tene Yeshu labzha sallala gamyul cigne cigga skyods. ⁷ Khorji lobtugs rcugnyispoa bodda dzads, yar nyisnyis coste rdud zhugskhangunni nanje rdud phircessi warja salla dzadte khorgun lamcugga dzads. ⁸ Khorji khorgunla labzhaa salte mols, "Khyorangunni bessi phia dulcessi berka mastogs, kharji, jola tar khomagssi nanja pene makhur. ⁹ Pabu gon innar Koslag spoces makhur."

¹⁰ "Khyozhaa dugsa tanjkanni tenna kharpe nanja dug nam tshogpa te donkhyerne binje michaa. ¹¹ Kaltes donkhyerzhiggi nanja suzhiggiar khyozhaa gasus macona, ya khyozhe zerkhanboa manyanna, tene binje cha zane, ranji pabui thalba sugste khorgun Konchoggi chadpe phia borkhanbo ston."

¹² Tene khorgun skyodte migunla sdigpe kane gyodpa coste Konchoggi chogsla sems gyurcesla chosshads. ¹³ Khorgunni rdud manpo phirjste zumo yonkhan manpozihigga oliwwi mar skuste phancugs.

Thussalkhan Yohanan tons.**6:14 ne 29**

¹⁴ Tsoo Yeshui tshan mincan gyurcespoe gyalpo heroddi khorji skorla tshor. Khaciggi zerradpin, "Thussalkhan Yohanan shikhangunni tone sontea lanja dzad pasan khorja dzadpa stancesi khyud yodte innog." ¹⁵ Zhangunni zers, "Khor ni lunstonpa Eliya innog." Yar zhangunni, "Srunme lunstonpa tsogsla khor lunstonpazhig innog."

¹⁶ Tegun tshorracig, heroddi zers, "De go cadcugkhanni Yohanan, shikhangunni tone sontea lanja dzadte innog."

¹⁷ Heroddi Yohanan zumste lcathagga tagste tsonkhanja kagcesla ka tanjste inpin. Khoe tebo khoranji aco Philibbi nama herodissi phia cos, heroddi kho

nyampo nama coste inpin. ¹⁸ Yohananni herodla molladpin, "Khyoraṅji acoe nama nyampo nama cocespo Konchoggi thimssi gyabgal innog." ¹⁹ Herodissi Yohanania naphrad coste khoṅ sadnyin yodpin, innar khoa caṅ co manyan, ²⁰ ciazerna heroddi Yohanani mi zaṅpo taṅ dampa inkhanbo shespa, stsiwa taṅ jigssi naṅṅa khoṅ skyobste bors. Yohananni molkhangun nyan zane, gyalpo herodla semssi naṅṅa mideces yoṅṅar kho Yohananni molkhangun nyancesla thaddadpin.

²¹ Innar gyalpo heroddi skyezhaggi zhagga herodisla skabs thob. Te zhagga heroddi khorarṅji lasmi uskyoṅ, magmi sponbogun taṅ, Galillii sponbogun ḍonla bodte yodpin. ²² Herodissi bumo yoṅste stses ma Idemo taṅspa, herod taṅ khoṅṅi ḍonpogun ṣaṅṅe thad. Gyalpoe bumoboa zers, "Khyoraṅṅa dodpa yodkhanbo ṅaa shod, yaṅ ṅe tebo khyoraṅṅa taṅin." ²³ Khoe naa khurte zers, "Khyoraṅṅi cizhig toṅ zernaṅ, ṅe taṅin, ṅe gyalṣiddi phedpoar."

²⁴ Kho philogga soṅṅe khorarṅji ama ṅis, "De ci toṅ zer." Ame khoa zers, "Ṽhussalkhan Yohananni go toṅ zer." ²⁵ Tennamalla bumo gyalpo yodsa gyogspa soṅṅe zers, "Dagsaraṅ ṅaa ṅhussalkhan Yohananni go thallizhiggika gossad."

²⁶ Gyalpo maṣaṅṅe tsher innar ḍonpogunni dunla naa khurkhanboe zhaste, khoe bumoa man zer manyan. ²⁷ Tene khoe tennamalla mi sadcessi las cokhanni mibo tsonkharṅṅa Yohananni go khyoṅcesla lamcugs. Kho soṅṅe tsonkharṅṅi naṅṅa Yohananni go cads. ²⁸ Khoe khoṅṅi gobo thallizhiggika khyoṅste, bumoboa taṅs, tene khoe khorarṅji ama taṅs. ²⁹ Tebo tshorracig, Yohananni lobṅugsgun yoṅste khoṅṅi spurbo khyerte spurkharṅṅi naṅṅa bors.

Yeshui mi storṅṅa zaces salla dzads.

6:30 ne 44

³⁰ Skutshabsgun Tsoo Yeshu yodsa logste yoṅs, yaṅ khoṅgunni coskhan taṅ labkhan tshaṅṅe skorla shads. ³¹ Mi maṅpo chen yoṅin dugspa, Yeshu taṅ khoṅṅi skutshabsgunla ṅaltshoste dontaṅ doncessi tus mathob. Teboephia Yeshui mols, "Yoṅshig ṅadarṅraṅ suaṅ medse nassazhigga soṅṅe ṅaltsho in."

³² Tene khoṅgun ṅuziṅzhiggi naṅṅa zhonte suaṅ medse nassazhigga skyods. ³³ Innar mi maṅpozhiṅgi khoṅgun tekane skyoddala thoṅ yaṅ ṅoshes. Gyatshoe thama yodkhanni ḍoṅkhyer tshaṅṅe migun baṅṅarṅin soṅṅe khoṅgunni saṅ sṅunla te nasseka leb. ³⁴ Ṽuziṅṅe babste Yeshui mitshogs chenmo zigssacig, khoṅṅa khoṅgunnika snyirṅṅe skyea dzads ciazerna khoṅgun lugsdzi medkhanni lug tsogs yodpin. Yaṅ khoṅṅi khoṅgunla labzha maṅpo salces gozugs.

³⁵ Nyima gorgorla Yeshui lobṅugsgun khoṅ yodsa yoṅste zers, "Ṽdadangun caṅ medse ristoṅṅi naṅṅa innog yaṅ muncuaṅ rubkyis dug. ³⁶ Nyekhorri nassa taṅ gamyulgunla soṅṅe khorarṅgunni phia zan nyocesla mitshogsपो lamcugga dzaddaṅ."

³⁷ Innar Yeshui mols, "Khyozhe khoṅgunla zaces toṅ."

Khoṅgunni lantaṅs, "Ṽ mitshaṅṅa kharji taṅcessi phia lzawa 8 di lacha ḍaṅḍe pene gossog. Dazhaa soṅṅe tezamshiggi pene skyagste khoṅgunla kharji zaces nyoa?"

³⁸ Khonji ña dzads, "Khyozhe lagga tagi tsam yod. Sonje Itos?"

Khonjun sonje Itas yar zers, "Tagi ña tar nya nyis dugle."

³⁹ Tene Yeshui lobtugsgunla migun sdesde coste stsa ñonpoeka dugcugcessi phia mols. ⁴⁰ Migun 50 ya 100 sde coste seka dugs.

⁴¹ Yeshui tagi ña tar nya nyispo chagga nams yar namkhaa zigste Konchogga thugrjeche zhus, tagi cagste mitshogsla gocessi phia lobtugsgunla salla dzads. Tenna tsogsla khonji nyaboar goste khonj tshanmala salla dzads. ⁴² Khonj tshanma ñanñan zos ⁴³ yar lobtugsgunni tagi tar nye laglusgun Iduspa pagtse rcugnyis gar. ⁴⁴ Tagi tar nya zakhangunni ño Idankhanni butshaa stonñña yodpin.

Yeshui chui khethogga zhabdul dzads.

6:45 ne 56

⁴⁵ Tennamalla Tsoo Yeshui mitshogsपो logste lamcugga dzad zane, khonji lobtugsgun khonranji sar snunla ñuzinji nanña tshoe anjo chogsla bedsede ñonkhyerla lamcugga dzads. ⁴⁶ Mitshogs sonjsharte stinje khonj rika moslam zhua skyods.

⁴⁷ Muncurubbacig lobtugsgun ñuzinji nanña tshoe skyilla, yar Yeshu rika cigpo yodpin. ⁴⁸ Dunne lunspo tagpo yonspa khongunla ñuzin sulcesla nags manpo thonin yodkhanbo Yeshui zigs. Halam natog chutshod sumpazhiggika Yeshu tshoe kane zhabdulla khongunni chogsla skyods, yar khongunni Idochogsne skyodces yodpin ⁴⁹ khongunni Yeshu tshoe kane zhabdulla skyodin thonñacig, shinde innog samste kuco tarñs. ⁵⁰ Yeshu thonñacig, khonj tshanma mañante jigs. Tennamalla Yeshui khongunla mols, "Jigs majigs ña in, hampa cos. ⁵¹ Tene Yeshu ñuzinji nanña zhonna dzads, yar lunspobo chad. Khonj tshanma pad halas. ⁵² Khongunla Yeshui tagi nyampo dzadpa dzadkhanbo thonñear khonj su zhugste inkhanbo tarunñar hamagoa, khonji snyingun ma skyonpo yodpin.

⁵³ Khongun tshoe anjo chogsla skyods yar chui thama Genesareddi ñonkhyerla lebbacig ñuzinbo Idams. ⁵⁴ ñuzinje philogga biññacig, migunni Yeshu inkhanbo ñoshes. ⁵⁵ Khongun yulñon garpoe nanña banñarin sonje zumo yodkhangun maltseka khurte Yeshu zhugste dug zersse nasseka khyonñs. ⁵⁶ Khonj gamyul, ñonkhyer ya ñonñeb karu skyodnar migunni zumo yodkhangun, ñomssi nanña philogga phinñte khyonñs. Khongunni zumo yodkhangunla Yeshui namze tuzhigga lagga stse cugga dzadcesla juju zerin zhuwa phuls, yar khonji namzaa lagga stsekhan tshanma phan.

Stanma tar tshitu.

7:1 ne 23

7 ¹ Yerushalemmi gyalsane yonñkhanni pharushipa tar chosthimsla khaspa khacig Tsoo Yeshu yodsa dzoms. ² Khongunni Yeshui lobtugs khaciggi kharji ze sar snunla Yahudape lugsol nanñhin lagga mathukhanbo thon. ³ (Yahudapa, migsalli pharushipagunni, khorangunni phamespoe lugsol nanñhin lagga ñhuste mane zan zamedpin. ⁴ Khongun ñomñsne yonñte, khorangunni lugsol nanñhin

lagpa thuste mane, zan zamedpin. Khoḡgunni yaḡ luḡsol maḡpozhiḡ ṡuḡḡadpin sperna, kore, chunod taḡ thagu thucesgun).

⁵ Teboephia pharushipa taḡ chosthimsla khaspa gunni Yeshua tiṡ, "Nyeranḡi lobtuḡsgunni lagpa tshitu nyampo zan zoste cia ḡadaḡḡi phamespoe lam luḡsollika ḡulla manoḡ?"

⁶ Yeshui lansalla dzads, "Khachospa khyozhe skorla Konchogḡi Yeshya gyudte luḡstan salkhanbo denba innog, kaboe naḡḡa,

'I migunni khane ḡaa stsiwa conaḡ

Khoḡgunni snyiḡgun ḡane thagriḡ dug.

⁷ Khoḡgunni ḡaa colcespo phanmithogs innog,

Ciazerna khoḡgunni Konchogḡi kathimssi tshabsla

Khoḡraḡgunni cokhanni thimsgun labdug^f."

⁸ Khyozhagunni, Konchogḡi kathims naḡmed coste teboe tshabsla khyozharaḡḡi luḡsolgun ṡuḡdug."

⁹ Tene Yeshui mols, "Khyozhe, khyozharaḡḡi lamluḡsol ṡuḡṡesla thabs khaspa nyampo Konchogḡi kathimsgun phanḡdug. ¹⁰ Spera Mozessi zers, 'Raḡḡi aba taḡ amaa stsiwa cos,^g yaḡ 'Raḡḡi aba ya amaa ḡan tabkhangun sadgos.^h' ¹¹ Innaḡ khyozhe migunla khoranḡi aba ya amaa, 'De nyeranaḡa roḡs cogoshespo korban' (Yaḡḡa Konchogḡa phulin zerte zhalchad) coste in zerces labdug.' ¹² Tezug cocesne khyozhagunni khoḡgunla raḡḡi aba ya amaa roḡs co macugḡa innog, ¹³ tennaboephia khyozharaḡḡi lamluḡsol ṡuḡṡessi naḡḡa khyozhe Konchogḡi ka cagces matshad zhan tetsogssi las maḡpo coanog."

¹⁴ Tene Yeshui mitshogsla bodda dzadte mols, "Khyozhaa tshaḡme, ḡe zerkhanbo nyante hagogessi stsonḡus cos. ¹⁵ Philogne zugspoe naḡḡa

chakhangunni, khyozhaa tshitu gyurcugḡa manog, innaḡ khyozhagunni semsne biḡkhanboe, khyozhagun tshitu gyurcugḡa nog." ¹⁶ i

¹⁷ Tene Yeshu mitshogsne bete khaḡpazhigḡi naḡḡa skyods, khoḡḡi lobtuḡsgunni khoḡḡa, spe salkhanbo hagogucgesla zers. ¹⁸ Khoḡḡi tiḡ dzads, "Khyozhaa hamagoa? Thoḡḡa midugḡa, khyozhe zakhanni kharjiboe khyozhagun tshitu gyurcugḡa manog, ¹⁹ kharji khyozhe snyiḡḡi naḡḡa machaa ḡodpe naḡḡa lebste zugspone philogḡa biḡḡanog." (Tezug molcespoe Yeshui zacessi rigs tshaḡma stsaḡma inkhanbo, hagogucḡa dzads).

²⁰ Khoḡḡi mols, "Khyozhe naḡḡe biḡkhanboe khyozhagun tshitu gyur cugḡanog,

²¹ ciazerna mizhigḡi semsne samba ḡanpa, luṡḡel ḡanpa, ṡkuces, mi sadces,

²² raḡḡi zhidmad manpa zhanma nyampo luṡḡel coces, nabs, ḡansems,

gobskorces, tusgyun luṡḡel ḡanpe dodpa, tshigces, zhanme scodpe skorla ḡanpa

^f7:7 yeshaye speche 29:13

^g7:10 biḡte chakhanni speche 20:12

^h7:10 biḡte chakhanni speche 21:17

ⁱ7:16 sḡunme rissi skaddi Markussi speche naḡḡa 7:16 "Namcog yodkhangunni ḡe zerkhanla gyalla coste nyonshig" medpa innog.

zerces, phoso tar samba medkhan gun birjanog. ²³ Te tsharjma narjukugne birjste khyozhagun tshitu gyurcugga nog."

Yahudapa mankhanni bumozhiggi tadpa.

7:24 ne 30

²⁴ Tekane birjete Tsoo Yeshu tayir gyalse chogsla skyods. Khoj zhugste yodse kharjapabo suzhiggar gyus chacugnyin medpin, innarj tebo sarjwe narjja bor manyan. ²⁵ Rduz zhugste yodkhan bumo churjuni amaa Yeshu skyodte dug zerte tshorracig, kho yorjste khorjji zhabssi dunla gyelte ²⁶ khoe tugui narjne rdudpo phirjja dzadcesla juju zhuin khorjja zhuwa phuls. Kho siriye yuljorjssi phonishie gyalse narjja skyeste Yahudapa manpin.

²⁷ Yeshui khoa mols, "Goma ne Konchoggi tugui, Israelpagunla darjdarj zacug gos. Tugui tagibo lente khyia pharjja madigga innog."

²⁸ Khoe lantarj, "Denba innog Tsoole, innarj tugugunni kharji budkhangun cogtse yogga yodkhan khyi churjungunnarj zadug."

²⁹ Khorjji mols, "Ta kharjpa sorj, khyoranjji lan gyalla tarjcespoe, rdud khyoranjji bumoe narjne birjete med." ³⁰ Kho kharjpa lebbacig, khoe bumo churjunbo maltseka nyalte rdud birjete medkhanbo thorj.

Yeshui, rgudshig phancugga dzads.

7:31 ne 37

³¹ Tsoo Yeshu tayirne birjete Sidon yuljorj gyudte gyalsa rcui yuljorjssi narjja Galillii tsho chogsla skyods. ³² Mi khaciggi matshorkhan tarj spera salpo tarj manyankhan mizhig khorj yodsa khyorj, yarj Yeshua juju zhuin khorjji chag khoeka borra dzadcesla zhuwa phuls.

³³ Yeshui mibo mitshogsne azamma khyerra dzadte khorjranjji dzigugun khoe namcoggunni narjja cugs, testirjne khorjranjji dzigugunnika thumag gyabste khoe lcea thugcugga dzads. ³⁴ Tene khorjji kenla namkhaa zigste snyirjshugs nyampo mols, "Ephathaa" kaboe tontagpo "Beshig" innog. ³⁵ Tennamalla miboa gyalla coste tshor yarj khoe lcebo dorjthe khoa spera salpo tarjnyan.

³⁶ Yeshui mitshogsla suarj mishadcesla ka sals. Tsamshig marjja khorjji mishadcesla molnarj migunni marjja marjpo nastshulbo phelcugs. ³⁷ Migun marjanje halaste zers, "Khorjji ci dzadnarj halasshes yorjdug. Khorjji, matshorkhanla tshorcugces tarj spera tarj manyankhanla spera tarjucugga dzaddug."

Yeshui mi storj zhia kharji salla dzads.

8:1 ne 10

8 ¹ Halam tennatusshigga zhanyarj mitshogs chenmozhib dzoms, migunla zagyu medpa, Tsoo Yeshui lobtugsgun bodda dzadte mols, ² "I migun ja nyampo dugste zhagma sum sorj yarj zacesla carj med pasarj, ja snyirjjea skyearag.

³ Kaltes ñe khoŋgun khanpa stogria lamcugna, khoŋgun lambarla goyoŋ khorte gyelin, ciazerna khoŋgunni ðoa ma thagrinne yoŋskhan khaciggaŋ yodte innog."

⁴ Khoŋŋi lobtugsgunni lantaŋs, "Ðadaŋŋa i migunla taŋcessi phia tagi i ristoŋŋi naŋŋa kane thobin?"

⁵ Yeshui khoŋgunla ðia dzads, "Ðadaŋŋi lagga tagi tsam yod." Khoŋgunni lantaŋs, "Tagi rdun yodle."

⁶ Tene Yeshui mitshogspoa seka dugcesla mols. Khoŋŋi tagi rdunbo namssa dzadte Konchogga thugrjeche zhus, yaŋ tegun cagste gocessi phia lobtugsgunla sals, yaŋ khoŋgunni mitshogsla goste taŋs. ⁷ Khoŋgunni lagga nya chuŋun khaciggaŋ yodpin, Yeshui tegunni phiaŋ thugrjeche zhuste khoŋraŋŋi lobtugsgunla goste taŋcessi phia molla dzads.

⁸ Khoŋgunni tshimstshims zos. Stiŋne lobtugsgunni lagga luskhanni tagigun dumspa pagtse chenmo rdun gaŋ. ⁹ Te mitshogssi naŋŋa mi 4,000 zamshig yodpin. Migun khanpa logste lamcugga dzadte ¹⁰ Yeshu lobtugsgun nyampo ðuziŋŋi naŋŋa zhonte Dalmanutha yuljoŋsla skyods.

Pharushipagunni Itas stancesla zers.

8:11 ne 13

¹¹ Pharushipagun yoŋste Tsoo Yeshua tshodltaste khoŋŋa Konchoggi waŋcha salkhanbo tantan cocesla namkhane stagssshig ston zerte utsug taŋs.

¹² Tebo sannacig khoŋŋi snyiŋshugs taŋste mols, "Ciphia i Mirabspoe namkhane stags ston zerranog? Ðe khyozhaa denba zerrad, ñe i Mirabspoa tetsogs stagssshig mane mistan." ¹³ Tene khoŋgun borte khoŋ tshoe aŋo chogsla ðuziŋŋi naŋŋa zhonte skyodda dzads.

Pharushipagun taŋ heroddi gyabgalla shaŋ skulla dzads.

8:14 ne 21

¹⁴ Lobtugsgunla tagi khurralla rjed, ðuziŋŋi naŋŋa khoŋgunni lagga tagi cig mane medpin. ¹⁵ Tsoo Yeshui khoŋgunla spaŋpudda dzadte mols, "Pharushipagun taŋ heroddi skyurne shaŋ cos."

¹⁶ Khoŋgunni cig taŋ cigga zers, "Ðadaŋŋi tagi khurte medpa, khoŋŋi tebo molte innogga?" ¹⁷ Yeshui tebo khyente ðia dzads, "Tagi medkhanni skorla khyozhagunni cia spera taŋŋad? Taruŋŋaŋ, khyozhagunla mathoŋŋa ya hamagoa? Khyozhagunni snyiŋ tetsam skyoŋpo inna? ¹⁸ "Khyozhagunla mig yodtear thoŋthubba meragga?, namcog yodtear, tshorthubba meragga? Ci khyozhagunla caŋ idtu meragga?"

¹⁹ Ðe tagi ŋŋane mi stoŋŋa ðaŋscugste luskhanni tagi khyozhe Iduspa pagtse tsam gaŋ?"

Khoŋgunni zers, "Rcugnyisle."

²⁰ "Yaŋ tagi rdunne mi stoŋzhi ðaŋscugste luskhanni tagi khyozhe Iduspa pagtse tsam gaŋ?"

Khoŋgunni zers, "Rdunle."

²¹ Khoŋŋi khoŋgunla ðia dzads, "Tene taruŋŋaŋ khyozhagunla hagoa meragga?"

Zharazhig phancugga dzads.**8:22 ne 26**

²² Khoṅgun bedsida ḍoṅkhyerla lebbacig, mi khaciggi zharazhig Yeshu yodsa khyoṅs, yaṅ juju zhuin khoa chag stsea dzadcesla zhuwa phuls. ²³ Yeshui zharaboa lagpa thamste ḍoṅkhyerne philogga khyerra dzads. Khoe miggika thumag gyabste khoṅraṅṅi chag khoeka borte ḍia dzads, "Khyoraṅṅa citoṅshig thoṅdugga?"

²⁴ Khoe aṅo iṅoa Itas yaṅ zers, "Ḍaa migun thoṅdugle, innar salpo manpa, lcaṅma ḍulkhan tsogsrig."

²⁵ Yeshui yaṅskyar khoṅraṅṅi chag khoe miggunnika borra dzads. Tene khoe miggun bete khoa thoṅcessi khyudpo logste thob, yaṅ khoa citshaṅma salpo coste thoṅ. ²⁶ Kho khaṅpa lamcugga dzadin Yeshui mols, "Khyoraṅ logste cha zane, ḍoṅkhyerri narṅa macha."

Yeshu su inkhanbo Piṅarri shads.**8:27 ne 30**

²⁷ Tsoo Yeshu taṅ khoṅṅi loḅṅugsgun Galilline Kesarria Philipi nyekhorri ḍoṅsebgunla skyods. Khoṅgun skyod zane lamma khoṅṅi loḅṅugsgunla ḍia dzads, "Migunni ṅa su innog zerdug?"

²⁸ Khoṅgunni lantaṅs, "Khaciggi ḥussalkhan Yohanan, khaciggi luṅstonpa Eliya, yaṅ zhanmagunni luṅstonpagunni ḥone cigcig zhugste innog zerdug."

²⁹ Tene khoṅṅi khoṅgunla ḍia dzads, "Innar khyozhe ṅa su innog zerrad?" Piṅarri lantaṅs, "Nyerarṅ Konchoggi Idamma dzadkhanni Mashika zhugste innog."

³⁰ Innar Yeshui khoṅgunla khoṅṅi skorla suaṅ mashad molte ka sals.

Yeshui khoṅraṅ ṅoṅshessi skorla luṅstan dzads.**8:31 ne 9:1**

³¹ Tene Yahudape uskyoṅgun, lama uskyoṅgun taṅ chosthimsla khaspagunni kane mirigssibua rdugṅal maṅpo nyoṅste sadgoshes yaṅ zhag summi stiṅne shikhangunni ḥone sontea laṅcessi skorgun Tsoo Yeshui loḅṅugsgunla labces gozug dzads. ³² Teboe skorla khoṅṅi salpo coste shadda dzadpa, Piṅarri khoṅ soso khyerte khaskyes.

³³ Innar Yeshu gyurra dzadte loḅṅugsgunla zigsin Piṅarla khaskyea dzadin mols, "Shetan, ṅane thagriṅṅa soṅ. Khyoraṅṅi samtshul Konchoggi chogsne manpa, mi chogsne innog."

³⁴ Tene mitshogs taṅ loḅṅugsgunla khoṅ yodsa dzomcesla bodda dzads yaṅ mols, "Ḍe stiṅraṅne yoṅṅa thadkhangun, raṅdod pharṅste raṅṅi rdugṅalli ḥyaṅshirṅ khurte ṅaa ḍaṅsgos. ³⁵ Raṅṅog skyobnyin yodkhangunni denbe mitshe skyalin, innar ṅa taṅ gamoe nastshulli tonla khorarṅṅi ṅog skyalkhangunni denbe mitshebo skyobin. ³⁶ Mizhigga jigsten gaṅpo thobtearṅ raṅṅi thamedpe mitshe skyalna ci phanthogs? ³⁷ Ya teboe tshabsla mizhiggi ci taṅnyanin? ³⁸ I Mirabs Konchoggi gyabne ḍulces pharṅskhan taṅ sdigcan gunni ḥoa kaltes suzhiggi ṅa taṅ ṅe labzhe

spanjo tarcesla thelba tshorna, na mirigssibu njaranji yabbi zirrijdi narja dampe phonyagun nyampo logste yor zane, narj khoeka thelba tshorin."

9¹ Yeshui khongunla mols, "De khyozhaa denba zerrad, ika yodkhan khaciggi Konchoggi gyalshid warji narja skyodcespo thonje mane mishi."

Yeshui zirrijid sjons.

9:2 ne 13

² Zhag duggi stinje Tsoo Yeshui Pitar, Yakob tarj Yohanan gun thidte suar medsa ri thonpozhegika skyods. Teru khongunni dunla Yeshui skuzugs garjo gyurte ³ khonji namzaa Itaminyances odcan karmo gyur, jigstenni karmo cocessi zas ciggarj tetsogs karmo co minyan. ⁴ Tene khongunni lunstonpa Mozes tarj eliyee Yeshu nyampo zhalta salin jal.

⁵ Pitari Yeshua zers, "Lobbonle^j narzhaa ika yodcespo magyalla sorj. Nazhe zhugssa sum stigin, nyaranji phia cig, Mozessi phia cig, yarj eliyee phia cig."

⁶ Khoa ci zergoshespo hamagopa, khoe tebo zers, khongun masante jigste yodpin.

⁷ Tene khongun shinni kabs, yarj shinni narje sunskadciggi mols, "Ibo ne cespe butsha in, khoe zerkhangunla nyon." ⁸ Hunmedla, khongunni thathothamaa Itacig Yeshu cigpo mane Mozes tarj Eliyaa mathorj.

⁹ Rine babste skyodin yod zane Yeshui khongunla mirigssibu shikhangunni tone sontea narja dzadte mane khongunni thonkhanbo suar mishadcesla ka sals.

¹⁰ Teboephia khongunni tegun suzhiggarj mashadda sarje narja bors innarj khonrarj cig tarj cigga tis, "Shikhangunni tone larjsshespo' ci molte inhe?"

¹¹ Tene khongunni Yeshua tis, "Chosthimsia khaspagunni Mashika skyoddi sarj sjonla lunstonpa Eliya skyodgos cia zerte innog?"

¹² Yeshui lansals, "Tantanla, citsharjma daldig cocesla Eliya sjonla yongos.

Tene cipha dampe sunrabssi narja mollarog, 'Mirigssibua rdugnarj thonje rinmed coste pharjos'? ¹³ Innarj ne khyozhaa zerrad, Eliya yorj tsharte in, khongunni kho nyampo coin samkhan tsharjma cos, kazug dampe sunrabssi narja khoe skorla diadzadte yod"

Yeshui rdud zhugskhanni butshazhig phancugga dzads.

9:14 ne 29

¹⁴ Khongun rine babste skyoddacig, mitshogs chenmozhiggi zhan lobtugsgunla skorte yarj chosthimsia khaspa khaciggi khongun nyampo zerzer tarjin zigs.

¹⁵ Mitshogs garjpoee Yeshu jallacig, khongun shante thadte handarj sorj yarj banjarin khonja thuggala sorj.

¹⁶ Yeshui lobtugsgunla tia dzads, "Khyozhe khongun nyampo ci skorla zerzer tarjadpin."

¹⁷ Mitshogssi tone mizhiggi lantarj, "Lobbonle ne njaranji butsha rdud zhugste spera tarjmanyankhanbo nyaranjika khyonspin. ¹⁸ Rdudpo khoe narja zhugssacig khoe, kho seka gyabdug yarj khane voa binjin so shigste zugspo shante gyurdug. De

^j9:5 rissi skaddi narja rabi Griiste yodte innog, kaboe ton lobbon innog.

nyeraŋŋi lobtugsgunla rdudpo phiŋcesla zhuwa phulpin, innar khorŋgunla tebo phiŋ manyan."

¹⁹ Yeshui mols, "Tadpa medkhanni Mirabs, namtshogpa ŋa khyozhagun nyampo dug? Namtshogpa ŋe khyoraŋgunla ŧangos? Butshabo ŋa yodsa khyoŋ."

²⁰ Tene khorŋgunni butshabo khyoŋs. Yeshu thoŋŋacig, rdudpoe tugi zugspo maŧante ŧugs, yaŋ kho seka gyel. Zugspo iŋo aŋoa rilin khoe khe naŋne voa biŋ.

²¹ Yeshui tugi abaa tja dzads, "Khoa i zumobo namne pharla yodpin?"

Khoe lantaŋs, "Kho tugu chuŋun yod zane pharla. ²² Rduddi kho lan maŋpo sadcessi phia me taŋ chui naŋŋa phaŋs, kaltes nyeraŋŋa citoŋshig dzadnyances yodna snyiŋrje dzadte ŋazhaa rogs coa dzad."

²³ Yeshui khoa mols, "Cia zerrad 'Kaltes nyeraŋŋa nyanna?' Deka idshes cokhangunni phia ŋaa citshaŋma cothubces yod."

²⁴ Tennamalla tugi abe kuco taŋste zers, "De tadpa coad, ŋe tadpabo ldancugga dzadte stanpo gyurcessi naŋŋa rogs dzaddaŋ."

²⁵ Yeshui mitshogs baŋtaŋin khoŋ yodsa yoŋŋa zigssacig, rdudpoa khaskyeya dzadte mols, "Tshor micugkhan taŋ spera taŋ micugkhanni rdud, ŋe khyoraŋŋa i tugi naŋne biŋste yaŋskyar khoe naŋŋa mane michacesla kataŋŋad."

²⁶ Tene rdudpoe kuco taŋste butshe zugspo maŧante ŧugin saa gyabs yaŋ khoe naŋne biŋste yoŋs. Butshabo shikhan tsogs thoŋ yaŋ mi maŋchee, "Kho shite innog" zers. ²⁷ Innar Yeshui chag ŧkyaŋŋa dzadte butshaboa laŋcesla rogs dzads, yaŋ kho koag laŋs.

²⁸ Stiŋne Yeshu taŋ khorŋŋi lobtugsgun khaŋpe naŋŋa cigpo yod zane, khorŋgunni Yeshua tŋs, "Dazhagunla rdudpo cia phiŋ manyanna innog?"

²⁹ Khorŋŋi khorŋgunla mols, "I tsogssi rdudgun, moslam cigpo gyudte phiŋ nyannanog."

Yeshui yaŋskyar khorŋraŋ toŋshessi skorla luŋstan dzads.

9:30 ne 32

³⁰ Tsoo Yeshu taŋ khorŋŋi lobtugsgun, te nassane biŋste Galillii yuljoŋs gyudte skyods. Yeshui khoŋ yodse nassa suaŋ gyus chacugnyin medpin, ³¹ ciazhuna khorŋŋi khorŋraŋŋi lobtugsgunla labzha salces inpin. Khorŋŋi khorŋgunla mols, "Mirigssibua ŋolog coste daogunni lagga stadin. Khorŋgunni kho sadin, yaŋ zhagma summi stiŋne sontea laŋsshugga dzadin." ³² Khorŋgunla khorŋŋi molkhanbo hamago, innar khorŋgunla teboe tonbo tŋcessi hampa mayoŋs.

Konchoggi gyaŋšiddi naŋŋa taŋshog.

9:33 ne 37

³³ Kapharnahummi doŋkhyerla lebste khaŋpazhiggi naŋŋa dugste yodtus, Yeshui khorŋraŋŋi lobtugsgunla tja dzads, "Dadaŋgun dulte yoŋ zane, khyozhagunni ci skorla zerzer taŋŋadpin?" ³⁴ Innar khorŋgunni lan mataŋs, ciazerna khorŋgunni khorŋgunni tŋone taŋshog su inkhanboe skorla zerzer taŋŋadpin. ³⁵ Khoŋ seka zhugste lobtugs rcugnyispoa khorŋraŋ yodsa bodda dzads yaŋ mols, "Tshaŋmesaŋ

goshogpo gyurnyin yodkhangun tshanmesañ stinjugpo yañ tshanme yogpo gyurgos."

³⁶ Țugu chuñunzhig khyonste khongunni skyilla lañcugga dzads. Yeshui țugubo khurra dzadste khongunla mols, ³⁷ "De miñji nañja suzhiggi i țugu chuñunzhigga gasus cona ñaa gasus coste in, yañ suzhiggi ñaa gasus cona, khoe ñaa cigpoa manpa, ña kalla dzadkhanni yabbañ gasus zhuste innog."

Dadañji gyabgal macokhangun ñadañji chogspa innog.

9:38 ne 41

³⁸ Yohananni zers, "Lobbonle mizhiggi nyerañji tshan khurte rdud phiñja ñazhe thoñ, yañ ñazhe khoa tebo maco zerpın ciazerna kho ñadañji țopa manpin."

³⁹ Yeshui mols, "Khoa ghag maghag, ñe miñ khyudcan kolte ltas stante stinje khoa ñe skorla spera ñanpa zer minyan. ⁴⁰ Dadañji gyabgal macokhangun ñadañgunni chogspa innog. ⁴¹ De khyozhaa denba zerrad, khyozhaa mashike incespoe chu kore gañ tañkhangunla tantanla solras salla dzadin."

Sdigpe nañja gyelcugces.

9:42 ne 50

⁴² "Innañ ña tadpa cokhan i chuñgunni nañne cigga sdigpa cocuggi sañ khorañji skyea ranthaggi rdoa chenmo tagste gyatshoe nañja phañja gyal.

⁴³ Kaltes khyorañji lagpe khyorañja sdigpa cocuggadna, cadte phañstoñ. Lagpa nyis yodte nyalwe mee, mane mashikhanni nañja phañcuggi sañ, lagpa cig nyampo thamedpe mitshee nañja chana gyal. ⁴⁴ ⁴⁵ Kaltes khyorañji kañpe, khyorañja sdigpa cocuggadna tebo cadtoñ. Kañpa nyis yodte nyalwe nañja phañcuggi sañ kañpa cig nyampo thamedpe mitshee nañja chana gyal. ⁴⁶ ⁴⁷ Yañ kaltes khyorañji miggi sdigpa cocugna, tebo đustoñ. Mig nyis yodte nyalwe nañja phañcuggi sañ, mig cig nyampo Konchoggi gyałsiddi nañja chana gyal. ⁴⁸ Nyalwe nañja shaa zakhanni butsiggun mane mishi, yañ mebo tusgyun barin dugganog^m."

⁴⁹ "Tsha nyampo chodpa lagmo coa tsogsla, ñe nañja tadpa cokhan tshanmaa, me gyudte lagmo coin. ⁵⁰ Tsha phanthogscan innog, innañ kaltes tshe đodpo yolna tebo khyozhe kazuggi logste khyoñin? Khyozhe mitshebo tsha tsogsla đodcan yongos, yañ cig tañ ciggi nañja zhide nyampo dug."

^k9:44 sñunme specha khaciggi nañja 9:44 "Teru shaa zakhanni butsiggun mane mishi yañ mebo tusgyun barin dugganog" Griiste yodte innog

^l9:46 sñunme specha khaciggi nañja 9:46 "Teru shaa zakhanni butsiggun mane shia manog yañ mebo tusgyun barin dugganog" Griiste yodte innog

^m9:48 yeshaye speche 66:24

Nama cadcessi skorla çodsudr.**10:1 ne 12**

10¹ Tsoo Yeshu Kapharnahumne biñte yahude yuljoñs tañ Yordan Itsañspoe pharka skyods. Yañskyar mitshogs khoñ yodsa dzoms, yañ lobs nañzhin khoñji khoñgunla labba dzads.

² Tshodltacesla pharushipa khacig khoñ yodsa yoñste ñis, "Butshazhigga thims nañzhin khorañji nama cad chogganogga?"

³ Yeshui lansalla dzads, "Nama cadcassi skorla luñstonpa Mozessi thimssi nañña ci Griiste dug?"

⁴ Khoñgunni lantañs, "Mozessi namaa cadkhanni lagkhyer tañste butshazhigga nama cadcessi goñspa saldug."

⁵ Innañ Yeshui lansals, "Mozessi i thimspo khyozhe phamespogunni snyin skyoñpo yodcespoe Griiste innog. ⁶ Innañ gozuggika citshañma dzad zane, Konchoggi 'Butsha tañ bumo coa dzads'.ⁿ ⁷ 'Tenna gyuntshanboe phia butsha khorañji aba tañ amane bete khorañji nama nyampo dzomste ⁸ khoñ nyisko zugspo cig gyurranog^o ta khoñgun nyis manpa cig innog. ⁹ Teboephia Konchoggi cig dzadkhanbo suzhiggañ phe macug."

¹⁰ Yeshu khoñrañji lobtugsgun nyampo khañpe nañña zhugste yodtus, khoñgunni khoñña teboe skorla ñis. ¹¹ Khoñji khoñgunla mols, "Khorañji nama cadte zhan bumozhig nyampo nama cokhanboe khorañji name gyabgalla logyem^p coste innog ¹² yañ kaltes bumozhiggi khorañji magpa cadte zhanzhig nyampo bagma cona, khoe logyem coste innog."

Yeshui ñugugunla cinlabs salla dzads.**10:13 ne 16**

¹³ Phamagunni ñugu chuñjungun Tsoo Yeshui chagstsea dzadte cinlabs salcesla khyoñs. Innañ khoñji lobtugsgunni phamagunla Yeshua obgyal stan pasañ khaskyes.

¹⁴ Tebo zigste Yeshua thugsso skyods yañ khoñgunla mols, "Ñugu chuñjungun ghag maghagga ña yodsa yoñcug, itsogsgunni phia Konchoggi gyañsidpo in. ¹⁵ ðe khyozhaa denba zerrad Konchoggi gyañsid, ñugu chuñjungun tsogsla lente mane tenañña zhugs minyan." ¹⁶ Tene khoñji ñugugun khoñrañji dunla khyoñña dzads, yañ khoñgunnika chag borra dzadte cinlabs salla dzads.

ⁿ10:6 gozuggi speche 1:27

^o10:8 gozuggi speche 2:24

^p10:11 iboe ton ni rañji zhidmad manpa zhanma nyampo lusdel coces

Mi chugpo.**10:17 ne 31**

¹⁷ Tsoo Yeshu lamne skyod zane, mizhig banjanin yonste khonji dunla pigdon tsugste tis, "Lobbon zanpole, thamedpe mitshe norskalla thobcessi phia ne ci cogos?"

¹⁸ Yeshui tia dzads, "Ciphia khyoranji naa zanpo zerrad? Konchog cigpo mastog suar zanpo man." ¹⁹ Tene Yeshui khoe tiwaa lansals, "Khyoranja kagyagun shessanog; "Mi masad, ranji zhidmad manpa zhanma nyampo lusdel maco, skumašku, spanpo zunba matan, gobskorte pene makhyer, aba tan amaa stsiwa cos⁹."

²⁰ Khoe lantaş, "Lobbonle, te tshanma ne chuntusne pharla şunste in."

²¹ Yeshui khoa zigste khoeka camspa skyes yan mols, "Tarun khyoranja cogoshes cig luste dug. Son yan khyoranji gyunor tshanma tsonste penebo nyalbacangunla tor, namkhe nanja khyoranja banzdod thobin. Tene yonste ne gyabne donş."

²² Tebo tshorracig khoe go ghus yan tsherkhaa yonste son, ciazerna kho machugpo yodpin.

²³ Yeshui khonja skorkhanni mitshogsla zigs yan lobtugsgunla mols, "Chugpogun Konchoggi gyalşiddi nanja lebces tsamshiggi kagspo manog."

²⁴ Tebo tshorte khongun ma halas. Innar Yeshui yanşkyar mols, "Cespe tjugugun Konchoggi gyalşiddi nanja lebces ma kagspo innog. ²⁵ Mi chugpo Konchoggi gyalşiddi nanja lebcessi sar khabbi migne rjabon bircespo, lamo chen."

²⁶ Lobtugsgun manja halaste tis, "Tene sua tharpa thobin."

²⁷ Yeshui khongunla zigste mols, "Ibo mia co mane minyan, innar Konchogga citshanma dzad nyannanog."

²⁸ Pitari Yeshua zers, "Dazhe citshanma phanste, nyeranja danste in.

²⁹ Yeshui lansals, "De denba zerrad, naa ya gamoe nastshulli tonla khanpa ya acono ya ace nomo ya aba ya ama ya tugu ya zhin phanşkhan tshanmala ³⁰ inna mitshe nanja, khanpa, acono, ace nomo, aba, ama, tugu, zhin gunni gyalda matshad Konchoggi gyalşiddi tusla thamedpe mitshe thobin innar jigstenpagunni nagsbardo stanin. ³¹ Dagsa goa yodkhan manpo stinjugga lusin yan dagsa stinjuggika yodkhan manpo goa lebin."

Yeshui yanşkyar khonran tonşhessi skorla shadda dzads.**10:32 ne 34**

³² Tsoo Yeshui go dzadte khongun kenla Yerushalemmi gyalsa skyodin yodpa lobtugsgun halas yan khonji gyabne danste yonkhangun jigssadpin. Yeshui, khonranji lobtugs rcugnyispo soso khyerte khon nyampo cuşcesgun shadda dzads, ³³ "Nyonshig, nadangun kenla Yerushalemma chaces innog, mirigssibu lama uskyon tan chosthimsla khaspagunni lagga stadin yan khongunni khoa

⁹10:19 binje chakhanni speche 20:12 ne 16

shicessi chadpa cadte Yahudapa mankhangunni lagga stadin. ³⁴ Tene khongunni khoa thelba stante, chilmag taŋ stallcag gyabste sadin, innar zhagma summi stiŋne yaŋskyar sontea lanjin."

Yakob taŋ Yohananni zhuwa.

10:35 ne 45

³⁵ Tene zebeddii butsha Yakob taŋ Yohanan Yeshu yodsa yoŋste zers, "Lobbonle, nyeraŋji ŋazhe zhuwa zhucespo coa dzaddaŋ."

³⁶ Khoŋji ŋia dzads, "Khyozhe phia ŋe ci co?"

³⁷ Khoŋgunni lantaŋs, "Nyerarŋ nyeraŋji zirrijidcanni zhugsthissika zhugs zane, ŋazhaa nyeraŋji chag yaspa taŋ yome stsiwacan Koseka dug cugga dzadle."

³⁸ Innar Yeshui khoŋgunla mols, "Khyozhe zhuwa phulkhanbo khyozhaa hamagoa innog, ŋa thuŋcescanni rdugŋalli korebo khyozhe thuŋnyances ragga ya rdugŋalli thus ŋe lencescanbo khyozhe len nyances ragga?"

³⁹ Khoŋgunni zers, "Nyancesagle."

Tene Yeshui khoŋgunla mols, "Khyozhagunni tantanla ŋe rdugŋalli kore naŋne thunjin yaŋ rdugŋalli thus ŋe lencescanbo nyampo khyozhe thuslenin. ⁴⁰ Innar ŋe yaspa taŋ yomeka dugcugcessi waŋcha ŋaa med. Konchoggi te nassagun Idamma dzadkhangunni phia ɔalɔig dzadte in."

⁴¹ Tebo tshorracig, zhan lobtugs rcuboa Yakob taŋ Yohanannika ŋo yoŋs.

⁴² Yeshui khoŋ tshaŋmaa bodda dzadte mols, "Khyozhaa gyusmedda? Yahudapa mankhan waŋŋulpagunni khorarŋji yulmigunnika snyinŋrje medpa waŋŋullanog, yaŋ khoŋgunni lonpogunniaŋ migunla ŋaŋte nags stanin waŋŋullanog. ⁴³ Khyozhe naŋŋa tetsogs yoŋ magos. Khyozhe ŋone ŋagpo gyurnyin yodkhanbo zhanmagunni yogpo gyurgos, ⁴⁴ yaŋ khyozhe ŋone goa lebnyin yodkhanbo zhan tshaŋme tsheyog gyurgos. ⁴⁵ Kazug mirigssibu zhabstog zhucugcesla manpa zhabstog zhuala yoŋspin, yaŋ mi maŋpoe ŋogrin shalcesla khoe raŋŋog taŋjin."

Bartimus zerkhanni zhara phancugga dzads.

10:46 ne 52

⁴⁶ Khoŋgun Yerikoe ɔoŋkhyerla leb. Tsoo Yeshu, khoŋji lobtugsgun taŋ mitshogs chenmozhiŋ Yerikone biŋste skyod zane, Timaussi butsha Bartimus zharabo lammi thama ltsaŋŋala dugste yodpin. ⁴⁷ Bartimussi Natsaredpa Yeshu skyodin innog zerte tshorracig, khoe kuco taŋces gozugste zers, "Yeshu, gyalpo Dabiddi purgyud ŋeka snyinŋrje dzad."

⁴⁸ Mi maŋpoe khoa khaskyeste cubcod zers, innar khoe maŋŋa kuco taŋste zers, "Gyalpo Dabiddi purgyud, ŋeka snyinŋrje dzaddaŋ."

⁴⁹ Yeshu ŋuŋŋa dzads yaŋ mols, "Khoa ika bod." Tene khoŋgunni zharaboa bodte zers, "Thadpo cos, lonŋs, khoŋji khyoraŋŋa bodda dzaddug." ⁵⁰ Bartimussi khorarŋji Kospo thama phaŋs, chomste khorarŋji kaŋpeka laŋs yaŋ Yeshu yodsa yoŋs.

⁵¹ Yeshui khoa ŋia dzads, "De khyoraŋŋi phia ci co?" Zharaboe zers, "Lobbonle, ŋaa yaŋskyar thoŋ cugga dzad."

⁵²Yeshui khoa mols, "Soj khyoraŋji tadpe khyoraŋ phancugste in." Tennamalla khoa thoŋthub, yaŋ kho tenna lamne Yeshua ɔaŋste soj.

Yeshua gyalpoe tshulla gasus zhus.

11:1 ne 11

11 ¹Yerushalemmi gyalse nyemoa oliwwi rika^r yodkhan Bedphage taŋ Bedthani ɔoŋsebgunla lebkyis yoddacig, Tsoo Yeshui lobtuŋs nyis sŋunla lamcugga dzadte ²mols, "A ɔoŋsebbi naŋŋa soj, teru lebbacig, suaŋ mazhonkhanni buŋsarzhig tagste thoŋcen, tebo tolte iru khyor. ³Kaltes suzhiggi khyozhagunla, 'Ci coad' zerte ɕina 'Tsooa ghosdom dug yaŋ gyogspa logste khyorjin' zer."

⁴Khoŋgun soj yaŋ buŋsarbo ɕaŋŋika ghoē philogga tagste yodkhanbo thoŋ. Khoŋgunni tebo toł zane ⁵teka laŋste yodkhanni mi khaciggi ɕis, "Khyozhagunni buŋsarbo tolte ci coste in?" ⁶Yeshui ka salkhan naŋzhin khoŋgunni lantaŋspa, khoŋgunla buŋsarbo khyercugs. ⁷Tene khoŋgunni buŋsarbo Yeshu yodsa khyorste khoŋraŋgunni Kos teboa stads yaŋ Yeshu teboeka zhonna dzads.

⁸Mi maŋpozhiŋgi raŋraŋji Kos Yeshu skyodse lammika tiŋs, yaŋ zhangunni zhiŋji thamaa yodkhanni lcaŋme yalga cadte tiŋs. ⁹Yeshui dunne ɔulkhan yaŋ gyabne yoŋkhan gunni kuco taŋin zers.

"Konchogga stodpa phul.

'Tsoo Konchoggi waŋche naŋŋa skyodkhanbo cinlabscan.^s

¹⁰Dadaŋgunni phamespo Dabiddi yoŋcescanni

Gyalɕidla cinlabs salshig.

Namkhe thoshogga zhugskhanni Konchogga stodpa phul."

¹¹Yerushalemmi naŋkugga lebbacig Yeshu chodkhaŋji naŋŋa skyods. Khoŋji karuŋsa zigs, innaŋ phitog gorte in pasañ, khoŋ lobtuŋs rcugnyis nyampo Bedthania logste skyods.

Yeshui phiggi lcaŋma ŋan tabba dzads.

11:12 ne 14

¹²Stiŋmazhaggi ŋamo, khoŋgun Bedthanine skyod zane Tsoo Yeshu stogssa dzads. ¹³Khoŋji azamshigga phig khazassi lcaŋma lome gaŋste yodkhanzhig zigs, teka khazas yodɔo samste zigssala skyods. Innaŋ dunla lebbacig, khoŋji loma mane khazas mazigs, ciazerna khazas sminceŋsi tuspo malebba inpin. ¹⁴Tene khoŋji lcaŋmaa mols, "Taneparla suzhiggiar, khyoraŋji kane khazas miza" yaŋ khoŋji molkhanbo lobtuŋsgunni tshor.

Yeshui chodkhaŋ stsaŋma dzads.

11:15 ne 26

¹⁵Khoŋgun Yerushalemma logste skyods, teru lebbacig Yeshu, chodkhaŋŋa skyodte ɕogchodla phulcessi semscan tsoŋkhan taŋ nyokhan gun phiŋces gozug

^r11:1 i riboika oliwwi lcaŋma maŋpo skyeste yodpa iboa oliwwi ri zerradpin.

^s11:9 sunŋurri speche 118:25,26;

dzads. Pene zhebkhanni cogtsegun taŋ phurgon tsoŋkhanni phosstaggun logga dzads, ¹⁶ yaŋ khorŋi chodkhaŋi naŋŋa tshoŋi calag aŋo iŋo khyerkhan tshaŋma ghagga dzads.

¹⁷ Yeshui khongunla mols, "Dampe surrabssi naŋŋa Konchoggi molla dzadte dug, 'De khaŋpaa gyalkhams tshaŋme migunni moslam zhusse khaŋpa zerin,'^t innar 'Khyozhagunni tebo cagpagunni bo coste dug.'"^u

¹⁸ Lama uskyongun taŋ chosthimsa khaspagunni, Yeshui dzadkhanbo tshorracig, khongunni khorŋ sadcessi thabs tsalces gozugs. Innar khongun khongŋa jigssadpin, ciazerna Yeshui shesrabscanni labzha salkhanboeka mitshogs gaŋŋo halaste yodpin.

¹⁹ Phitog lebbacig, Yeshu taŋ khorŋi lobtugsgun gyalsane biŋste skyods.

²⁰ Stiŋmazhagga ŋamo, khongun Yeshui ŋan tabba dzadkhanni phiggi lcaŋme dunne chacig, lobtugsgunni tebo paŋagne pharla skamste thoŋ. ²¹ Yeshui molla dzadkhanbo, Piŋarla idtu yoŋste khongŋa zers, "Lobbonle zigssar, nyeraŋŋi ŋan tabba dzadkhanni phiggi lcaŋmabo skamstog."

²² Yeshui lansals, "Konchoggi naŋŋa tadpa cos. ²³ De khyozhaa denba zerrad, kaltes khyozhe i riboa, 'Soŋ yaŋ khyoraŋ tshoe naŋŋa phoŋ' zerna, yaŋ snyiŋŋi naŋŋa thetshoms macoa zerkhanbo dūbbanog samste tadpa cona, tebo khyozhe phia coa dzadin. ²⁴ De khyozhagunla zerrad, khyozhe moslammi naŋŋa cizhig zhunaŋ tebo thobtsharte in samste tadpa cona, tebo khyozhagunla thobin. ²⁵ Innar khyozhagunni moslam zhui saŋ sŋunla, goma khyozhe gyabgalla ŋanpa coste yodkhangunla shagspa toŋshig. Tene namkhe naŋŋa zhugskhanni khyozhe yabbi, khyozhagunni sdigpagunlaŋ shagspa salla dzadin. ²⁶ v

Yeshui waŋche skorla doŋdur.

11:27 ne 33

²⁷ Yaŋskyar khongun Yerushalemmi naŋŋa leb, Yeshu chodkhaŋi gyaŋskorri naŋŋa, zhabdulla skyod zane lama uskyongun, chosthimsa khaspagun taŋ Yahudape uskyongun khorŋ yodsa yoŋste ²⁸ ŋis, "Ka waŋcha nyampo khyoraŋŋi igun coad yaŋ khyoraŋŋa i waŋcha sui taŋs?"

²⁹ Yeshui khongunla mols, "Deaŋ khyozhagunla ŋiwazhig ŋiin, kaltes khyozhe lantaŋna, tene ŋeaŋ ka waŋcha gyudte igun coad khyozhaa shadin. ³⁰ Daa shoddaŋ, Yohananaŋa thussalcessi waŋcha Konchoggi chogsne thobte innogga ya mi chogsne?"

³¹ Khongunni khorangunni ŋoa spera taŋste zers, "Kaltes Konchoggi chogsne innog zerna khoe ŋadaŋŋa, khyozhe khoeka idshes cia macospin zerin? ³² Innar ŋadaŋŋi mii chogsne innog zercessi hampa coada?" (Khongun mitshogsla

^t11:17 yeshaye speche 56:7

^u11:17 yeremyi speche 7:11

^v11:26 sŋunme specha khaciggi naŋŋa 11:26 "Innar kaltes khyozhe shagspa mataŋna namkhe naŋŋa zhugskhanni khyozhagunni yabbi khyozhagunni sdigpagunlaŋ shagspa salla midzad" yodte innog.

jigssadpin, ciazerna mitsharjme Yohananla lujstonpa stsiadpin). ³³ Teboephia khongunni Yeshua lantajs, "Dazhaa gyusmed."

Tene Yeshui khongunla mols, "Dearj mishad, sui warjche narjja ne igun coad."

Zhiñbadpa ñanpagunni ruñs.

12:1 ne 12

12¹ tene Tsoo Yeshui khongunla ruñsgun gyudte labces gozug dzads, "Mizhiggi khorarñi zhiñja rgun tsugste gyañskor tañs. Rgun tsirse nassa ðus, yarj rguntshasla ltacessi phia piu stsig. Tene rguntshaspo zhan zhiñbadpagunla shasla tarjthe khorarj zhanyulzhigga dugga soñ. ² Stonthoggi tusla shiñtoggi skalla lennala khoe khorarñi yogpozhiñg shasla tarjkhanguñnika lamcugs. ³ Innarj khongunni yogpobo zumste rdunjs, yarj kho lagstonñja logste lamcugs. ⁴ Zhiñji dagpoe zhanyarj yogpozhiñg lamcugs, innarj khongunni khoe go rdunjs yarj ðelba stans. ⁵ Zhanyarj yogpo lamcugkhanbo sads. Khoe zhan yogpo marjpo lamcugkhangunnarj tenna tsogs cos, khacigga rdunjs, yarj khacig sads. ⁶ Ta lamcuggala cigcig luste yodpin, khorarñi cespa cokhanni butsha. Stinjuugga zhiñ dagpoe kho lamcugste, 'Khongunni tantanla ne butshaa stsiwa coanog' sam."

⁷ "Innarj shaspagunni cig tarj cigga zers, 'I zhiñj norškalla thobcescanbo yorñjala, yorñshig, kho sadin tene khoe norškalso ñadarñja thobin.' ⁸ Teboephia khongunni kho zumste sads, yarj khoe zugspobo rguntshasne philogga pharñstajs."

⁹ Yeshui ðia dzads, "Tene rguntshassi dagpoe ci coin? Kho yorñste, shaspagun sadin, yarj rguntshaspo zhan zhiñbadpa rigga shasla tarjin. ¹⁰ Ci khyozhagunni dampe surñrabssi narjne ibo masilpinna?"

'Ka rdoabo kharjpa stsigkhangunni phanmithogs thes,

Tenna rdoabo kharjpe ðurdoabo gyur

Kabo tsharjmesarj khagcan rdoabo innog.

¹¹ Ibo Tsooe coa dzadte innog,

Tebo thorñte ñadarj halasin.^w "

¹² Lama uskyonñun, chosthimsla khaspagun tarj Yahudape uskyonñunla, Yeshu zumcessi dodpa yodpin, ciazerna ruñspo khongunni gyabgalla shadte inkhanbo hago. Innarj khongun mitshogs chenmoa jigsshespe Yeshu borte tekane soñ.

Rommi gyalpoa ðal.

12:13 ne 17

¹³ Stinje uskyonñunni, pharushipa khacig tarj heroddi chogspa khacig Tsoo Yeshui molkhanni sperarig gyudte khorj khadcugcesla lamcugs. ¹⁴ Khongun yorñste khorñja zers, "Lobbonle, nyerarj tarjpo dzadkhanbo ñazhaa gyusyod. Nyerarñi mi narjja yaphes dzadda manog ciazerna nyerarñi khongun su inkhanboeka narjja madzadda tarjpo nyampo Konchoggi lammika ðulces labba dzaddanog. Rommi gyalpoa ðal shalcespo ospa innogga ya manog? ¹⁵ Dazhagunni ðal shalgossa ya magos?"

^w12:11 sunñurri speche 118:22,23

Khonggunni khachos cokhanbo khyente Yeshui mols, "Cia ɲa spere naɲɲa skarcessi stsonɟus coad? Rompe mulli penezhig khyonste ɲaa stonnaɲ."

¹⁶ Khonggunni penezhig khyonɲ, yaɲ khonɲi ɲia dzads, "I peneka yodkhanni par taɲ miɲ sui innog?"

Khonggunni lantaɲs, "Rommi gyalpoe."

¹⁷ Tene khonɲi khonggunla mols, "Gyalpoe inkhanbo gyalpoa toɲ yaɲ Konchoggi inkhanbo Konchogga phul." Khonɲi lan salkhanboeka, khonggun maɲante halas.

Sontea laɲcessi skorla ɲiwa.

12:18 ne 27

¹⁸ Tene shikhangun sontea laɲɲa manog zerkhanni saddukipagun Yeshu yodsa ɲiwazhig ɲiala yonɲ yaɲ zers, ¹⁹ "Lobbonle Mozessi ɲadaɲgunla thimsshig salla dzadte dug, kaltes butshazhig ɲugu medpa shina, aco ya noe khoe mirgyud lusshessi phia shikhanni nama nyampo bagston coste ɲugu jorcug gos. ²⁰ Ta acono rdun yodpin, aco cheshogpoe bagma cos, yaɲ ɲugu medpa shi. ²¹ Tene no nyispaboe, tenna bumo nyampo nama cos, innaɲ khoar ɲugu medpa shi. Tenna tsogs sumpabo nyampo soɲ ²² matshad khon rdunko ɲugu medpa shi, yaɲ stinɲugga bumoboar shi. ²³ Bumoboe khon rdunko nyampo nama cospa, shikhangun sontea laɲɲi tusla kho khonggunni naɲne sui nama gyurin?"

²⁴ Yeshui mols, "Khyozhe northulbo ni khyozhagunla Konchoggi stobs ya dampe surrabspo hamagoa innog. ²⁵ Konchoggi shikhangun sontea laɲɲa dzad zane, khonggunni nama mico ya bagma mitaɲ, khonggun namkhe phonya tsogs gyurin."

²⁶ "Innaɲ shikhangun sontea laɲcessi skorbo, khyozhagunni Mozessi Griiste yodkhanni speche naɲɲa masilpinna? Burtse mea barkhanni ruɲssi naɲɲa Konchoggi Mozesla molla dzads, "Da ni, Abrahammi Konchog, Isakgi Konchog taɲ Yakobbi Konchog in^x." ²⁷ Khon ni shikhangunni Konchog manpa, sonpogunni Konchog innog. Khyozhagunni northul chenmo coste innog."

Kagya tshaɲmesaɲ khagcan.

12:28 ne 34

²⁸ ɉosdurla nyanin, teru chosthimsla khaspazhig yodpin. Tsoo Yeshui lan gyalla salkhanbo tshorte khoe Yeshua ɲis, "Kagya tshaɲme naɲne kabo tshaɲmesaɲ khagcan innog?"

²⁹ Yeshui lansals, "Tshaɲmesaɲ kagya khagcanbo ni ibo innog 'Nyon wa Israelpagun, Tsoo ɲadaɲgunni Konchog, Tsoo cigcig zhugste innog. ³⁰ Tsoo khyozhe Konchogga snyin gaɲpo, sems gaɲpo, samba gaɲpo taɲ stobs gaɲpone cempa cos.' ³¹ Nyispabo, 'Raɲɲa cempa cokhan tsogs khyoraɲɲi khyimtshepa camspa cos,^z igunni saɲ chea zhanyaɲ kagyazhig med."

^x12:26 biɲte chakhanni speche 3:6

^y12:30 thimssi specha nyispe 6:4,5

^z12:31 thimssi specha taɲpoe 19:18

³² Chosthimsla khaspaboe lantajs, "Gyalla mols lobbonle, nyerañji Konchog cigcig mane, zhanyañ medte innog molcespo ñaño molte innog. ³³ Me nañña chodpa tañ şoggi chodpa tshañma phulcessi sañ mañña khagcan Konchogga snyiñ gañpo, hago gañpo tañ stobs gañpone camspa coces matshad rañña cespa cokhan tsogs khyorañji khyimtshespa camspa cogoshespo innog."

³⁴ Khoe ma shesrabscanni lantañkhanbo khyenna dzadte Yeshui khoa mols, "Khyorañ Konchoggi gyalşidne thagrañña midug." Te zhagne pharla suzhiggian khorña ñiwa ñicesi hampa macos.

Mashika sui purgyud in.

12:35 ne 40

³⁵ Tsoo Yeshui migunla chodkhañji nañña labzha sal zane, khorña ñia dzads, "Chosthimsla khaspagunni Konchoggi Idamma dzadkhanni Mashika, gyalpo Dabiddi purgyud innog kazuggi zerranog? ³⁶ Dabid khorañji, dampe thugnyid gyudte izug zers,

'Konchoggi ñe Tsooa mols,

De khyorañji ñao tshañma,

Khyorañji kañpe phosstag coco tshagpa,

Khyorañ ñe lagpa yaspe thissika dug.^a

³⁷ "Kaltas Dabiddi Mashikaa 'Tsoo' zerradna, tene kazuggi Mashika khoe purgyud innog?" Mitshogs chenmoe khorña thadpo nyampo nyannadpin.

³⁸ Labzha sal zane Yeshui mols, "Chosthimsla khaspagunni kane shañ cos. Khorñun chossi Koslag thulcan gonte ñullala, yañ thomssi nañña migunni kane stsiwa thobcesla thaddanog. ³⁹ Dukhañji nañña stsiwacanni naseka yañ ñonni nañña ñalga duggala thaddanog. ⁴⁰ Anemarañmogunla gobskorte khorña khañpagun khyerces, yañ migunla stancesi phia moslam riñmo zhudug. Teboe zhaste khorñunla chadpa şañte phogin.

Anemarañmoi bulldus.

12:41 ne 44

⁴¹ Chodkhañji nañña Tsoo Yeshu pene lducessi ghammi dunla seka zhugste tenañña pene phulkhanni mitshogsla zigssadpin. Mi chugpo mañpoe pene mañpo phuls. ⁴² Nyalbacan anemarañmozhiğ yorste zañssi pene nyis phuls, kabo rinthan ma nyunñan inpin.

⁴³ Yeshui khorañji lobtugsgun bodda dzadste mols, "De khyozhaa denba zerrad, i anemarañmo nyalbacanboe bulldussi ghammi nañña pene zhan tshañme sañ mañña phuls, ⁴⁴ khor tshañme khorañgunla mañpo yodkhanni nañne nyunñanzhiğ tañs, innañ i anemarañmoboe nyalbacan inteañ kho sotea lussnessi ghosdom yodkhan tshañma tañs."

^a12:36 sungurri speche 110:1

Thame tussi stagsgun.

13:1 ne 37

13¹ Tsoo Yeshu chodkhanje birte skyodin yod zane, khonji lobtugs ciggi zers, "Lobbonle i halasshessi chodkhanja zigssar, tsamshiggi chenmo rdoagun stsigcesla kolte innog."

² Yeshui lansals, "Khyozhagunni i chodkhan halasshes stsigskhanbo thonjugga? I rdoa ciggan ciggika stasagste milus, tshanma shigin."

³ Chodkhanji arjo chogssi lunpe oliwwi rika Yeshu zhugste yod zane, Pitar, Yakob, khoe no Yohanan tar endiu gun suar gyuscha macugga Yeshu yodsa yonste tis, ⁴ "Dazhaa shadda dzaddar tebo nam cunjin, yar te tshanma danda dubcessi stagsgun kazug rig yonjin?"

⁵ Yeshui khongunla mols, "Suzhiggian khyozhaa gobskor tarjmicugcesla shan cos, ⁶ ciazerna ne mir khurte na Idamma dzadkhanni Mashika in zerkhan manpozhigh yonste mi manpoa gobskor tarjin. ⁷ Khyozhagunni mag tar maggi skorla uyagun tshorracig, jigs majigshig; tegun cungos, innar thame tus taruj mileb. ⁸ Gyalkhams cig tar ciggi yar gyalid cig tar ciggi gyabgalla mag tarjin. Nassa manpoe narja muge tar sangul yonjin. Innar tegun ni tugu skyecessi gozuggi zugzerbo tsogs in."

⁹ "Tetusla khyozhagun shan coste dug. Khyozhagun tenna yulli warjulpagunni lagga stade dukhangunni narja khyozhaa stallcag gyabcugin. Deko tadpa yodcespoe thimscaddala kalon tar gyalpo gunnika khyozhaa khyerin, tetus khyozhaa naa su inkhanboe sparjo khongunla tarjcessi skabs thobin. ¹⁰ Thame tus lebbi sar snunla, gamoe nastshulbo gyalkhams tshanmala shadgos.

¹¹ Khyozhagun zumste thimscadcesla khyonjacig, ci zerin samste snunla tsher matsher. Tenna tusla, khyozhaa ci zercesla salla dzadnar, tennabo zer, ciazerna spera tarjkanbo khyozhagun manpa, dampe thugnyid innog."

¹² "Acogunni nogunla yar abe butshaa yar tugui phamagunla njolog coste sadcugin. ¹³ Deko tadpa cocespoe mitshanme khyozhagunla naphrad coanog, innar thama tshogpa neka tadpa stanpo borkhangun tharin.

¹⁴ "Nam 'Khamlog tshitu cokhanbo' dampe chodkhanji narja' yodcespo ospa maninnar borte thonjacig (Silkhangunni ne zercescangunnika narja ton) yahude yuljonssi narja dugkhangun rigunla shorgos. ¹⁵ Khanpe khethogga yodkhangun yogga babste khanpe narja norgun lennala macha. ¹⁶ Zhiinjika las coin yodkhangun logste kharjaa Kos khyonjala macha. ¹⁷ Tetusla skyecesma tar tuga pibi tarjkhanni amagunla tsamshiggi jigsnar manog. ¹⁸ Igun ghuntusla micuncesla moslam zhus, ¹⁹ ciazerna tetusla izam rdugnal tagpo cunjin, kabo Konchoggi jigsten dzadpane pharla dagsa tshagpa macurja innog yar stinzhinnar micur. ²⁰ Kaltes Tsoo Konchoggi tetuspo nyunun madzadpinna suzhiggar sontea luste meddo, innar khonji Idamma dzadkhangunni tonla, tetuspo nyunun coa dzads."

²¹ "Tetusla kaltes suzhiggi khyozhaa, 'Ltosshig Mashika ikane ya akane zhugste dug' zerna idshes maco. ²² Ciazerna zusma Mashika tar zusma lunstonpagun yonste dzadpa tar ltagun stante Konchoggi Idamma dzadkhangunlar gobskor tarçessi stsonçus coin innar tar minyan. ²³ Shar cos, tuspo lebbi sar srunla ne khyozhaa citshanma shade in."

²⁴ "Tetusla, rdughalli stigne

'Nyima mundig gyurin,

Lzawe od mitar

²⁵ Namne skarmagun budin

Yar namkhe wargun şugga dzadin^b."

²⁶ Tene mitsharñe, mirigssibu war tar zirrid tagpo nyampo şinnika zhonte yonra thonjin. ²⁷ Yar khoe, phonyagun jigsten garpoe narne khorarñi Idamkhangun lducesla kalin."

²⁸ "Phig khazassi lcarñe kane labzha lennar; teboe yalga nonpo sonje loma soma binjacig, yar nyemo lebkhanbo shessanog. ²⁹ Tenna tsogsla khyozhagunni te stagsgun thonjacig, na logste yonçessi tus nyemo, goe dunla lebeste yodkhanbo khyozhagunni shesin. ³⁰ De khyozhaa denba zerrad, i Mirabspo medkhan che sar srunla te tshanma cunjin. ³¹ Namkhaa tar jigsten nyisko medkhan chen, innar ne zerkhangun medkhan mane micha."

³² "Te tshanma cunçessi zhag ya tustshodpo Konchog yab cigpoa mane yar suar gyusmed, namkhe phonya ya butshar. ³³ Tetuspo khyozhagunla gyusmed pasar, nyid matarña sar coste dug.

³⁴ "Tebo ni mizhig sacha thagrinzhigga besla chakhan tsogs innog. Khanpane binji sar srunla khoe yogpogunla ranrarñi las cocesla khag kalte gho şurpaboa sar coste kho logste yonçesla şurste dug zerranog. ³⁵ Teboephia sar cos, ciazerna kharðag phitog, tshanni skyil, namlarñssi sar srunla, ya nyima sharte stigne, nam logste yonjin khyozhagunla gyusmedte innog. ³⁶ Kaltes kho hunmedla lebna, khyozhagun nyidlogste yodkhanbo thar magos. ³⁷ De khyozhagunla zerkhanbo tshanmala zerrad; sar coshig."

Yeshui uika țizhimcanni marnag lugs.

14:1 ne 9

14 ¹ Zhagma nyissi stigne pesag tar skyur medkhanni tagi tuschen lebcas inpin yar lama uskyongun tar chosthimsla khaspagunni sarwe thogne Tsoo Yeshu zumste sadçessi skabs tsalladpin. ² Innar khongunni zers, "Pesaggi tuschenni tusla mizum ciazerna mitshogsla şo yonste hilirs phinşidces innog"

³ Yeshu Bedthani donşebba dzenadne phankhan Shimonni kharpe narña cogtseka stente yodtus, kayolli nod țizhimmi mar kuspo skarste khurkhanni bumozhig yonş, yar nodpo cagste țizhimbo khonji uika lugs.

^b13:25 yeshaye speche 13:10, 34:4

⁴Teka yodkhan khacigga šo yonšte cig taŋ cigga zers, "Cia itsogssi ŋizhim rincanbo godla taŋšte innog?" ⁵Ibo lo ciggi lacha zamshigga tsoŋšte penebo nyalbacangunla taŋshigpian." Khoŋgunni bumoboa maŋante khaskyes.

⁶Innaŋ Yeshui khoŋgunla mols, "Borraŋ, khoa cia khaa skyead? Khoe ŋe phia las zaŋpo coste innog." ⁷Nyalbacangun tusgyun khyozhaa nyampo lusiŋ, yaŋ khyozhagunni nam coin samnaŋ khoŋgunla rogs co nyanin. Innaŋ ŋa khyozhaa nyampo tusgyun milus. ⁸Khoe khoranŋa nyankhanbo coste innog, khoe tussi saŋ sŋunla ŋe zugspoa ŋizhim lugste ŋe zugspo spurkhanŋa khyercessi phia ɔalɔig coste innog. ⁹De khyozhaa denba zerrad, jigsten gaŋpoe naŋŋa karu gamoe nastshul shadnaŋ i bumoboe ŋaa coskhanboanŋ shade te kho idtu coin."

Yude Yeshua ŋolog cocesla khachams.

14:10 ne 11

¹⁰Tene lobtuŋs rcugnyissi naŋne cig, karyodpa Yuda lama uskyoŋgun yodsa soŋte Tsoo Yeshua ŋolog coste khoŋgunni lagga stadcesla thabldiŋs. ¹¹Tebo tshorte khoŋgun maŋante thad, yaŋ khoa pene taŋcessi khachad cos. Tene khoe Yeshu stadcessi skabs tsalces gozugs.

Stinjuggi goŋzan.

14:12 ne 26

¹²Skyur medkhanni tagi tuschenni gome zhag, nam pesaggi lugubo šogchodla phullad, Tsoo Yeshui lobtuŋsgunni khoŋŋa ŋis, "Dazhaa soŋte nyeraŋ doncessi phia pesaggi dontaŋ karu ɔalɔig cole?" ¹³Tene Yeshui khoŋraŋŋi lobtuŋs nyis Yerushalemma lamcugga dzadin mols, "Gyalse naŋŋa soŋ, teru chukar khurkhanni mizhig khyozhagunla thugcen, khoe stinraŋne soŋ. ¹⁴Kho zhugste chase khaŋpe khaŋɔagpoa zer 'Lobbonni ŋiarag, ɔonpo zhugse naŋbo kane yod, teru ŋe ŋaraŋŋi lobtuŋsgun nyampo pesaggi dontaŋ zen?' ¹⁵Khoe khyozhaa stanthogga ɔalɔig coskhanni naŋ chenmohig stancen, ŋadaŋgunni phia teru dontaŋŋi ɔalɔig cos." ¹⁶Lobtuŋsgun gyalse naŋŋa soŋ, yaŋ citshaŋma Yeshui molkhan naŋzhin thoŋ. Khoŋgunni teru pesaggi dontaŋŋi ɔalɔig cos.

¹⁷Phitog chacig Yeshu lobtuŋs rcugnyis nyampo teru leb. ¹⁸Khoŋgun cogtseka dontaŋ donin yodtus Yeshui mols, "De khyozhaa denba zerrad, ika ŋa nyampo zen yodkhangunni naŋne cigciggi ŋaa ŋolog coin."

¹⁹Khoŋgun maŋante tsherte Yeshua ciggi stinŋe ciggi ŋis, "Tantaŋ ŋata maŋɔ?"

²⁰Khoŋŋi lansals, "Da nyampo daben ciggi naŋne zakhan khyozhaa rcugnyispoe naŋne cig in. ²¹Dampe suŋrabssi naŋŋa ɔiadzadte yodkhan naŋzhin mirigssibu shigos, innaŋ mirigssibu ɔaoe lagga stadkhanni miboa tsamshiggi jigspa miyoŋ. Te saŋta kho maskyespinna khoe phia gyalla yodɔo."

²²Khoŋgun dontaŋ donin yodtus, Yeshui tagi namste Konchogga thugrjeche zhuste cagga dzads yaŋ lobtuŋsgunla salin mols, "Ibo ŋe zugspo in, lente zo."

²³Tene donskeyogpo nams yaŋ Konchogga thugrjeche zhuste khoŋgunla sals yaŋ khoŋ tshaŋme tenaŋne thuŋs. ²⁴Khoŋŋi khoŋgunla mols, "Ibo ŋe thag in kaboe

Konchog taŋ khorŋji migunni parla chaddonbo tantan dzaddanog, yaŋ mi maŋpoe phia ōogchoddi tshulla phos. ²⁵De khyozhaa denba zerrad, i rgunchaŋbo ŋe yaŋskyar mithuŋ namtshogpa Konchoggi gyaŋšiddi naŋŋa iboa soma tontag misal."

²⁶Khorŋgunni Konchogga stodpe lu phul tsharracig, khorŋgun oliwwi ria skyods.

Pitarri Yeshua misheszun taŋcespo luŋstan dzads.

14:27 ne 31

²⁷Tene Tsoo Yeshui lobtuŋsgunla mols, "Khyozhaa tshaŋme ŋaa phaŋste chen, ciazerna dampe surrabssi naŋŋa Konchoggi molla dzadte dug,

'De lugsdzibo sadcugin

Yaŋ luggun yante chen^c

²⁸"Innaŋ sontea laŋŋa dzadte stiŋne ŋa khyozhe saŋ sŋunla Galillii yuljoŋsla chen."

²⁹Pitarri zers, "Tshaŋme nyeraŋ phaŋnaŋ, ŋe mane miphaŋ."

³⁰Yeshui lansals, "De khyoraŋŋa denba zerrad, inna tshanla capoe caskad lan nyis taŋŋi saŋ sŋunla, khyoraŋŋi ŋaa lan sum misheszun taŋjin."

³¹Pitarri utsug taŋste zers, "Daŋa nyeraŋ nyampo shigosnaŋ, ŋe nyeraŋ misheszun mane mitaŋ." Tenna tsogs zhan tshaŋmeaŋ zers.

Gedshemane tshassi naŋŋa Yeshui moslam zhus.

14:32 ne 42

³²Khorŋgun Gedshemane zerse nassa skyods, yaŋ Tsoo Yeshui khorŋraŋŋi lobtuŋsgunla mols, "Da sonte moslam zhu zane khyozhagun ika dug."

³³Khorŋji Pitar, Yakob taŋ Yohanan gun khorŋraŋ nyampo khyerra dzads, yaŋ Yeshua thugstsher skyodte khorŋ tshabssa dzads. ³⁴Yeshui khorŋgunla mols, "De semsla tsherkha maŋaŋte shices tsogs rag. Shan coste ika dug."

³⁵Khorŋ tsapigshig thagriŋŋa skyods yaŋ seka gyelte, kaltes nyanna khorŋji kane i rdugŋalli tuspo thenna dzad molin moslam zhua dzads. ³⁶Khorŋji mols, "Aba, ŋe yable, nyeraŋŋa citshaŋma dzad nyannanog. Thugrje dzadte i rdugŋalli korebo ŋe kane thenna dzaddaŋ, innaŋ ŋe dodpa naŋzhiŋ manpa, nyeraŋŋi thuggoŋs naŋzhiŋ coa dzad."

³⁷Tene Yeshu logste skyods yaŋ khorŋ tshaŋko nyidla sonte zigs. Khorŋji Pitarla mols, "Shimon khyoraŋ nyidla sonte inna? Chutshod ciggaŋ ŋa nyampo nyid mataŋŋa dugmanyanna? ³⁸Khyozhaa sdigpe naŋŋa migyelcessi phia nyid mataŋŋa moslam zhus. Semsnyiddi dodpa sdigpe naŋŋa migyelcessi yodnaŋ zugspo uthugs yodte innog."

³⁹Yaŋskyar tsapig thagriŋŋa skyodte Yeshui tenna tsogs moslam zhua dzads.

⁴⁰Khorŋ logste skyoddacig, yaŋskyar lobtuŋs tshaŋko nyidla sonte zigs ciazerna khorŋgun ōaŋte ŋalte yodpin, yaŋ thelte khorŋgunni Yeshua caŋ zer manyan.

⁴¹Yeshu lan sumpa logste skyoddacig, khorŋji mols, "Tarunŋaŋ khyozhaa nyid taŋjin ŋaltshoada? Ta diŋ. Ltos, mirigssibua ŋolog coste sdigcangunni lagga

^c14:27 zakarye speche 13:7

stadcessi tustshodpo leb tshar. ⁴² Lorjs, ñadangun chen. Ltos, ñaa ñolog cokhanbo yonñala."

Yeshu zums.

14:43 ne 52

⁴³ Tsoo Yeshui zhalta salin yod zane lobtugs rcugnyispoe nanñe Yuda teka leb, kho nyampo lama uskyonñun, chosthimsia khaspagun tañ Yahudape uskyonñunni kalkhanni mitshogs, rai tañ berka khurte yonñ. ⁴⁴ Dolog cokhanboe khongunla Yeshu zummala rdazhig tañin, "De pug tañkhanni mibo khyozhe zumste stanpo coste thidte khyer" zers. ⁴⁵ Tennamalla Yuda Yeshu yodsa sonñe, "Lobbonle" zerte pug tañs.

⁴⁶ Tene zhanmagunni Yeshu zumste lcagthag nyampo tags. ⁴⁷ Innanñ Yeshui dunla yodkhan ciggi, rai phiñste lama chenmoe yogpoa gyabste khoe namcogpo cadtañs.

⁴⁸ Yeshui khongunla mols, "Rai tañ berka khurte ña zumma yonñste ci ña cagpa innogga? ⁴⁹ Chodkhaññi nanñña zhagtañ ñe labzha tañ zane khyozhe ña cia mazumspin? Innanñ dampe surñrabssi nanñña ñia dzadkhanbo ñanña ñubgos."

⁵⁰ Tene Yeshu phañste lobtugs tshañma shor. ⁵¹ Kuspo rassi Kos cigpo gonkhanni khyogtonzhig khonñi gyabne yonñadpin, mitshogssi kho zumces cospa, ⁵² Kospo phañste kho ljernyalla shorte sonñ.

Yeshu Yahudape tshogsdui dunla khyers.

14:53 ne 65

⁵³ khongunni Yeshu lama chenmo yodsa khyers, karu lama uskyonñ tshañma, Yahudape uskyonñun tañ chosthimsia khaspagun dzomste yodpin. ⁵⁴ Pitar lama chenmoe phodaññi gyañskorri nanñkug tshogpa thagriñzhigne khonñi gyabne yonñ. Teru kho suñkhangun nyampo mea soin dug.

⁵⁵ Lama chenmo tañ Yahudape tshogsdui thusmi tshañme, Yeshu sadnyancessi spañpo tsals, innanñ khongunla suañ mathob. ⁵⁶ Khonñi gyabgalla mi mañpoe zunni spañpo tañs, innanñ khongunni spañpo tañkhangun zobs mazobs. ⁵⁷ Stinjugga khacig lañste Yeshui gyabgalla zunni spañpo tañinnanñ zers, ⁵⁸ "Khoe zerraragpin 'De, i chodkhañ mii lagpane stsigkhanbo shigste zhag summi nanñña mii lagpane mastsigkhan zhanyañzhig stsigin'." ⁵⁹ Innanñ khongunni spañpo tañkhangunnañ zobs mazobs.

⁶⁰ Tene tshañme dunla lama chenmo lañste Yeshua ñis, "Khyoraññi gyabgalla spañpo tañkhangunla lantañña medda? Rañ skyobcessi phia khyorañña zerces medda?" ⁶¹ Innanñ Yeshui lan masalla cubcadte zhugs. Tene lama chenmoe khonñña yañskyar ñis, "Khyorañ Idamma dzadkhanni Mashikaa, Konchoggi şas inna?"

⁶² Yeshui mols, "Da in, yañ mirigssibu kunwañ Konchoggi chag yaspe thissika dugste, yañ namkhe şinnika zhonte yonñña khyozhe thonñin."

⁶³ Tene lama chenmo lanste khoranji Kospo shags yar zers, "Dadanja i sar manja spanpo ci gosin?" ⁶⁴ Khoe dadlog cokhanbo khyozhe tshorte innog. Khyozhe ci thagcaddad?"

Khoj tshanjme kho sadgoshessi ospa innog zerte thagcads. ⁶⁵ Tene khoj khaciggi Yeshua thu gyabces gozug yar khojji mig, lagphis nyampo kabste khojja multhug coste rdunjin habgod tanjin zers, "Lunstan sallan khyoranja rdunjkhanbo su innog?" Yar sunjhangunnianj khyerte khojja rdunjs.

Pitarri Yeshu misheszun tanjs.

14:66 ne 72

⁶⁶ Pitar phodanji tshomssi nanja yod zane lama chenmoe yogmozhiq yonjs.

⁶⁷ Pitar mea soin dugste thonjacig yogmoboe khoa zhibca coste ltas yar zers, "Khyoranjan Natsaredpa Yeshu nyampo dugpin."

⁶⁸ Innan Pitarri misheszun tanjin zers, "Khyoranji ci zerte in nja hagoa ya shessa merag." Kho tshomssi ghoie dunla sonje dugs, tene capoe cascadd tanjs.

⁶⁹ Yogmoboe Pitar teka thonjacig, khoe teka yodkhan zhanmagunla yanjskyar zers, "Khojgunni tone cig i miboan innog."

⁷⁰ Innan Pitarri yanjskyar misheszun tanjs.

Tsapigshiggi stinje teka lanste yodkhan zhanyar khaciggi Pitarla zers, "Tantan khyoran khoe topagunni nanje cig innog, ciazerna khyoranjan Galillipa innog."

⁷¹ Pitarri khoa nan phogshiq zerin naa skyalte zers, "Khyoranjgunni spera tanjkhan mibo ne shessamed." ⁷² Tennamalla lan nyispa capoe skadd tanjs.

Tene Pitarla Yeshui, "Capoe cascadd nyispa tanji sar snunla, khyoranji nja lan sum misheszun tanjin" molkhanbo idtu yonjs, yar khoe sems chagste kho njs.

Yeshu Pilatu yodsa khyers.

15:1 ne 15

15 ¹ Datog ma namone lama uskyongun, Yahudape uskyongun, chosthimsla khaspagun tan Yahudape tshogsdui thusmi ganpoe Tsoo Yeshu sadcesla thagcads. Khojgunni khojji chag Idamste kalon Pilatui lagga stadda khyers.

² Pilatui Yeshua jis, "Khyoran Yahudape gyalpo inna?"

Yeshui lansals, "In, nyeranji zerkhanbo in."

³ Tene lama uskyongunni khojji gyabgalla nyadgal manpo kals. ⁴ Pilatui yanjskyar khojja jis, "Khyoranji khojgunla lantanja medda? Ltossan! Khyoranji gyabgalla khojgunni tsamshiggi skyonrjod corug?" ⁵ Innan Yeshui can lan masalpa, Pilatu halas.

⁶ Lugsol nanzhin pesaggi tuschenni tusla, kalonni migunni zhuwa nanzhin tsonpa cig phuddadpin. ⁷ Tetusla Rommi zhunji gyabgalla njolog coste mi sadkhan Barabas tan khoe topagun tsonkhanji nanja yodpin. ⁸ Mitshogs Pilatu yodsa yonste khoa tusgyun tsogsla tsonpazhiq phudcessi phia zers.

⁹ Pilatui jis, "Khyozhe phia ne Yahudape gyalpobo phudda?" ¹⁰ (Lama uskyongun Yeshuika tshigcespoe, khoj khoe lagga stadkhanbo Pilatua gyusson.) ¹¹ Innan

lama uskyoŋgunni mitshogsla Ice kolte Yeshui tshabsla Barabas phudcessi phia Pilatua zhuwa phulcugs. ¹² Pilatui khorŋunla ŋis, "Tene ŋe khyozhagunni yahude gyalpo zerkhanni miboa ci co?"

¹³ Khorŋgunni kuco taŋin lantaŋs, "Kho ŋkyanŋshinŋa ŋkyoŋ."

¹⁴ Pilatui ŋis, "Ciphia, khoe thimssi gyabgal ci costog?"

Innaŋ mitshogssi kuco ŋante taŋin zers, "Kho ŋkyanŋshinŋika ŋkyoŋ."

¹⁵ Mitshogspo thadcugste Pilatui khorŋgunni phia Barabas tsonkhaŋne phudcugs yaŋ Yeshua stallcag gyabte ŋkyanŋshinŋika ŋkyanŋcesla magmi gunla stads.

Magmigunni Yeshua tshigpa ŋags.

15:16 ne 20

¹⁶ Magmigunni kalonni khar, kaboa Pratorium zerrad, te naŋŋa Tsoo Yeshu khyerte magtshogs gaŋpoa dzomcesla bods. ¹⁷ Khorŋgunni khorŋŋa gyalpo gonkhan tsogssi namzaa marpozhiŋ skons, yaŋ tsherme thorshog laste khorŋŋi ua skons. ¹⁸ Khorŋgunni khorŋŋa tshigpa ŋagin zers, "Yahudape gyalpoa chagtshal." ¹⁹ Khorŋgunni khorŋŋi ua berka nyampo lan maŋpo rdunŋste khorŋŋa chilmag gyabs, yaŋ Yeshui dunla pigmoeka gyelte khorŋŋa chagphul zuntaŋs. ²⁰ Tshigpa ŋagste stiŋne khorŋgunni namzaa marpobo phudte, Yeshua khorŋraŋŋi namzabo skons. Tene khorŋ ŋkyanŋshinŋika ŋkyanŋcesla khyers.

ŋkyanŋshinŋika ŋkyanŋs.

15:21 ne 32

²¹ Tsoo Yeshu thidte khyer zane alegzander taŋ Ruphussi aba, Kirinpa Shimon gamyulne gyalse naŋŋa yonŋadpin yaŋ magmigunni khoa waŋ taŋste Yeshui ŋkyanŋshinŋ khurcugs. ²² Khorŋgunni Yeshu golgotha (Kaboe tontagpo goi ruspe sakyad) zerkhanni nasseka khyers." ²³ Tene khorŋgunni Yeshua mer^d zerkhanni sman rgunchaŋŋi naŋŋa ŋeste taŋs, innaŋ khorŋŋi tebo donna madzads. ²⁴ Khorŋgunni Yeshu ŋkyanŋshinŋika ŋkyanŋs yaŋ khorŋŋi namzaa goste sua thobdug ltacesla cholo rils.

²⁵ Yeshu ŋkyanŋshinŋika ŋkyanŋ zane, ŋatoggi chutshod rgupa chadpin. ²⁶ Khorŋŋi ui stagga nyadgal kalkhanni stagspoeka Yahudape gyalpo Griiste yodpin. ²⁷ Cagpa nyis khorŋ nyampo ŋkyanŋshinŋika ŋkyanŋs, cigpo khorŋŋi yaspa yaŋ cigpo yomaa. ^{28 e}

²⁹ Te nassa gyudte dulkhanguŋni go yugte smadra taŋin zers, "Chodkhaŋ shigste zhag summi naŋŋa stsigin zerkhan khyod, ³⁰ ŋkyanŋshinŋi kane yogga babste raŋ skyobbaŋ."

³¹ Tenna tsogsla lama uskyoŋgun, chosthimsla khaspagun taŋ Yahudape uskyoŋgunniaŋ khorŋŋa tshigpa ŋagin zers, "Khoe zhanmagun skyobs, innaŋ khoran skyobnyanna midug. ³² I Idamma dzadkhanni Mashika, Israelpo gyalpo,

^d15:23 mer zerkhanbo ŋkyanŋshinŋika ŋkyanŋskhanni migunla zumo nyuŋun tshorcessi phia thuŋŋa taŋŋanog

^e15:28 ŋunme rissi specha khaciggi naŋŋa 15:28 "lboe dampe suŋrabssi naŋŋa ŋia dzadkhanbo 'Khorŋ sdigcanguŋni ŋoa stsiin' zerkhanbo danŋa dube innog" Griiste yodte innog.

şkyanşhiŋŋi kane dagsa babste yorŋa, ŋazhe thoŋte tadpa coin." Yeshu nyampo şkyanşhiŋŋika şkyanşkhangunniaŋ khoŋŋa tshig taŋs.

Tsoo Yeshu toŋs.

15:33 ne 41

³³Nyiŋguŋne chutshod sumpa tshagpa yul gaŋpo mundig soŋ. ³⁴Tene chutshod sumpeka Yeshui suŋskad chenmoe naŋŋa bodda dzads, "Eloi, eloi, lema sabacthani?" Kaboe tontagpo "De Konchog ŋe Konchog nyeraŋŋi ŋaa cia phanŋa dzadte in?" Molte innog.

³⁵Teka yodkhangunni naŋŋe khaciggi tebo tshorracig zers, "Nyonshiggaŋ khoe luŋstonpa Eliya boddarag." ³⁶Khoŋgunni ŋone cig baŋtaŋste soŋ yaŋ rasbalzhig rgunchaŋ skyurmoe naŋŋa cugste berkeka skyonte Yeshua doncesla taŋs. Zhanciggi zers, "Dugcuggaŋ. Luŋstonpa Eliyaa kho skyobbala skyoddugga stenba."

³⁷Tene Yeshui skad chenmo nyampo kuco salte stiŋjuggi ugspo nenna dzads yaŋ toŋs. ³⁸Tenna tusla chodkhaŋŋi yola thugmoba^f gone jug tshogpa khagnyissi naŋŋa chad.

³⁹Yeshui dunla yodkhanni magmigye sponboe khoŋ toŋstshulbo thoŋte zers, "I mi Konchoggi şas inkhanbo tantan innog."

⁴⁰Thagriŋzhighe bumo khaciggi Yeshu toŋshespo lten yodpin. Khoŋgunni toa Miryam magdallama, Yoseb taŋ khoe no Yakobbi ama Miryam taŋ Salomi gun yodpin. ⁴¹Galillii naŋŋa khoŋgun Yeshui gyabne dulte khoŋŋi ghosdomgun rigste zhabshi zhuadpin. Khoŋ nyampo Yerushalemma yorŋkhanni bumo maŋpozhiŋgaŋ teru yodpin.

Yeshui spur spurkhaŋŋi naŋŋa borra dzads.

15:42 ne 47

⁴²Zapasaŋŋi zhag (Yaŋŋa shabbaddi ŋaltshoe zhaggi saŋ sŋunme zhagpo), daŋdiggi zhag inpin, muncurubkyis yod zane, ⁴³Yahudape tshogsdui thusmi khagcan inkhan Arimathapa Yoseb, kabo Konchoggi gyaŋsid lebcesla şuŋste yodpin, khoe hampa coste Pilatuika soŋte khoa Tsoo Yeshui spur sal zerte zhuwa phuls. ⁴⁴Yeshu toŋtsharkhanbo tshorte Pilatu halas, yaŋ magmigye sponbo bodte Yeshu toŋs tshartogga zerte ŋis. ⁴⁵Khoe kane Yeshu toŋtsharkhanbo tshorte stiŋne, Pilatu Yosebba khoŋŋi spurbo khyercesla goŋspa taŋs. ⁴⁶Tene Yosebba ras kuspo khyoŋs yaŋ Yeshui spurbo şkyanşhiŋŋi kane phabste tenaŋŋa tums, yaŋ đaggi naŋŋa skoste yodkhanni spurkhaŋzhiggi naŋŋa bors. Tene khoe spurkhaŋŋi kheka kharrdo chenmozhiŋ rilte kabs. ⁴⁷Magdallama Miryam taŋ Yosebba ama Miryammi Yeshui spur borra dzadkhanni nassabo thoŋ.

^f15:38 i yolabo chodkhaŋŋi naŋŋa tshaŋmesaŋ dampe nassa taŋ luskhanni nasse naŋŋa par phecesla taŋste yodpin.

Yeshu sountea zhaŋs.**16:1 ne 8**

16¹ Zaspembe phitog shabbaddi zhaggo tsharracig, Miryam magdallama, Miryam Yakobbi ama taŋ Salomi gun Yeshui spurla skucessi phia țizhimcanni mar taŋ marnag nyoa soŋ. ² Zanyime zhagga ŋatog ŋamo nyima sharracig, khoŋgun Yeshui spurkhaŋŋa soŋ. ³ Chen yod zane khoŋgunni cig taŋ cigga țis, "Spurkhaŋŋi khaa kabste yodkhanni kharrdobo ŋadaŋŋi phia sui rilin?" ⁴ Teka lebbacig khoŋgunni kharrdobo riltsharte thoŋ.

⁵ Spurkhaŋŋi naŋŋa zhugssacig, khoŋgunni yaspeka Koslag karmo gonkhanni khyogtoŋzhig dugste thoŋpa, mașante jigs. ⁶ Innaŋ khoŋgunla mols, "Jigs majigs, khyozhe șkyarșhirŋjika șkyarșkhan Natsaredpa Yeshu tsallanog. Khoŋ sountea zhaŋste ika med. Khoŋŋi spur borse nassa ltos. ⁷ Ta soŋte khoŋŋi lobțugsgun taŋ Pițarla shod, "Yeshu khyozhagunni saŋ sŋunla Galillii yuljoŋssi naŋŋa skyodin. Teru khyozhagunla khoŋ jalin, kazug khoŋŋi sŋunla molla dzads."

⁸ Bumogun jigste darin thetshoms nyampo spurkhaŋŋe gyugste soŋ. Thoŋkhan tshaŋma suzhiggaŋ mashads, ciazerna khoŋgun șante jigste yodpin⁹.

Markussi speche theba jugdus.**16:9 ne 20**

⁹ Tsoo Yeshu shikhangunni țone sountea laŋŋa dzadte zanyime zhagga ŋamone, khoŋraŋ goma sŋon cugga dzadkhanbo khoŋŋi rdud rdun phiŋŋa dzadkhanni bumo Miryam magdallama ipin. ¹⁰ Kho soŋte khoa thoŋkhan tshaŋma rdugpo coin ŋuin yodkhanni lobțugsgunla shads. ¹¹ Innaŋ Yeshu sountea laŋŋa dzadte dug, yaŋ khoe thoŋ zerkhanboa khoŋgunni idshes macos.

¹² Teboe stiŋne Yeshui ibs sosozhiggi naŋŋa khoŋraŋ, Yerushalem gyalse philogne đulte chen yodkhanni lobțugs nyisla sŋon cugga dzads. ¹³ Khoŋ nyisko zhanyaŋ lobțugsgunla shaddala logste soŋ; innaŋ khoŋgunni khoŋŋi shadkhanboa den mashes.

¹⁴ Te stiŋne lobțugs cugshigpo zanzen yod zane, Yeshui khoŋraŋ khoŋgunla sŋon cugga dzads, yaŋ khoŋgunni tadpa micoces taŋ snyiŋ skyoŋpo coste Yeshu sountea laŋŋa dzadte thoŋkhanni migunnika idshes micocespoeka khoŋgunla khaskyea dzads.

¹⁵ Yeshui khoŋgunla mols, "Jigsten gaŋpoe naŋŋa soŋte mitshaŋmala gamoe nastshulbo shod. ¹⁶ Tadpa coste țhuslenkhangun skyobin. Innaŋ tadpa macokhangunla nyalwe chadpa phogin. ¹⁷ Tadpa cokhangunni i ltasgun stanin: khoŋgunni ŋe waŋŋi naŋŋa rdudgun phiŋin, masheskhanni skadgunni naŋŋa spera taŋin, ¹⁸ rulgun lagpe naŋŋa lenin, tug thuŋnaŋ khoŋgunla caŋ nodpa miyoŋ, khoŋgunni lagpa borkhanni nadpagun phanin."

⁹16:8 Markussi đia dzadkhanni gamoe nastshul thuŋŋabo kaŋpa 8 tsharranog. Innaŋ riŋmobo kaŋpa 20 tshogpa Griiste yodte innog.

¹⁹Tsoo Yeshui khongunla zhalta saltsharte stırjne khonj namkhaa lenna dzads, yanj Konchoggi chag yaspe thissika zhugssa dzads. ²⁰Lobtugsgun karunsa sonje gamoe nastshul shads, yanj Tsooe khongunni ltas stankhangun gyudte khongunni shadkhanbo tanpo inkhan tantan dzads..